

مسر حینا ..

*شہری

*سرالو

اسرف عریس

إهداء

إلى كل الشرفاء
شهداء الفن الجميل
المسرح / الحياة / الفكر
لتنظل القيمة الحد الفاصل بين الجيد و الرديئ
مع خالص تحياتي ،،

**

إهداء خاص
إلى روح الفنان طه عبد الجابر
الذي كان يخلص لي أكثر من نفسي
أشرف

إرهاصات ما قبل البداية

١- الفكرة

- لم يزل هناك (شعب يبشمت وطن)
• وطفل يبحث عن أمل كي يعني أغنية الحياة(باللا يا دنيا نعيش سوا)
• فتحاول مجموعة من الفدائيين رفض ذاك الإنخراط الأسود الذي طالما بصينا جميعاً ونفقدنا روح المقاومة بكافة الطرق (وخنق اللحظة الوليدة) ..
الشخصية المحورية روح وحسد تتعايش مع مفردات الحياة / البشر في أي زمن مؤمنة بأحلام الجيل مع رفاقها ضد
الموت / الحرب / الإنكسار / الفرقة في محاولة حقيقية للخروج من الأزمة التي طالت كثيراً .

٢- المغزي

- هل يجوز لنا أن نعتقد في ثمة علاقات متشابكة بين شخصيات هذا النص وبعض المفاهيم التي تؤمن بها مثل روح المقاومة _ الحلم _ دم الشهيد ليظهر لمن القهر الخافي الذي يدفعه البعض من أثر الحروب ما بين نكسة وانتصار لم نفرح به وذهب لمن لا يستحقه نتيجة الطمع الإنساني الذي لا ينتهي لدى الإنتهازيين ..
• حاولت قدر الإمكان خلق هذه الصراعات دون خطابية مباشرة أو تقديم منافستو جهوري لا يرقى للطرح الفني في عمل مسرحي يحتاج إلى نقل موضوعي ويرشدني دون نفي أو تكرار

المؤلف

شہدي

مايو 2002

الشخصيات

الشيخ عسران	من المخارين القدامى الذين تجرعوا نكسة ٦٧ بمنتهى المرارة - كفيف
البصر	
الحالة حزينة	أم فقدت ولدها وتعيش على ذكراه
الشاعر	سكير ولحظات وعيه قصيره قلما يسترد ذاكرته وحضوره
الرسام	بوهيمي لا يعشق سوى اللون في طرف الفرشاة فقط
أيوب المصري	شاهد على إنتصارات ٧٣ / ٥٦ لكنه لم يقبض الثمن فأصيب
بالهلوسه	
الأم	قوية (أم شهدي) لا ترضخ للهزيمة في كافة الأحوال
شهدي	روح الوطن رغم تمدد الجسد
زهرة	الحببية - رمز الحلم والغنوة التي طال الشوق إليها
وليد	لحظة الشروق مع خيوط النهار الأولى بعد الحلم
آدم الحانوتي	سوقي لا تعنيه سوى مزاولة المهنة وحصر عدد القتلى والجثث
زكي	شقيق زهرة - إنتهازي متسلط - يجتد على الجميع ويكره شهدي
الرفاق	مجموعة من الفدائيين والجزء المتقي من الحلم ومفرداته
الأشباح	أدوات الموت ضد وجود الحلم الحي في نفوسنا

الزمان	همجي نساى
المكان	قديم وقدر لكنه مطوح يساع الكل
الحالة	مضطربة ومتوترة دائماً بسبب الصراع الدائم

برولوج

(الشخصيات يكونون تشكيلا عشوائيا ٠٠ ينفرد كل منهم بحركة
وأداء جملته من يقف في حركة صغيرة مع مجموعة- من يقف وجهاً
لوجه كأنها امرأة - من يقف جنباً إلى جنب - من يقف وحيداً - من
يجلس متربعا - من يجلس القرفصاء - من يقف ظهراً إلى ظهر ...
ومضات الإضاءة متقطعة ولا تكشف أي ملامح من الشخصيات)

حزينه:

ولدي يا ولدي يا عزيز عيني

الأم :

لو الخوف دخل قلبك حشه... لو هتكفر بالشهادة

يبقى الاسم خسارة فيك

عسران:

قالولنا إطفوا النور وإدهنوا الشبايبك بالأزرق

أيوب:

شد حيلك يا دفعه عدي الناحية الثانية ما يهمكنش..

ملعون أبو اليهود في الأرض

آدم الحانوتي :

الأرض على صحاب الميت طول عمري شغلتي أدفن بس

الشاعر :

يمكن الخمره تنسيني ليه بقيت كده

الرسام :

الدم بينشف تحت التراب زي اللون ما بينشف فوق اللوحة

زكي الشاطر:

غشيم من يقف قدام القطر.. هيه لعبه الأصل فيها الفرجه

شهدي:

واحشاني يا قلوب الناس وعيون بتعلم بيا

زهرة : قلقانه عليك.. طمئني يا تحويشة عمري اللي فات و فرحة عمري الجاي
الرفاق : لا فرطنا ولا نقدرش نخون
الطفل وليد : يا حمام الغاوي طير.. قلبي جناح وفراشه حرير

إظلام تام

المشهد الأول

(في بدروم أحد البيوت القديمة - بير سلم مظلم متآكل الجدران
يستخدم مخبأ للفدائيين والأهالي للأختباء من الغارات العسكرية
أثناء الحرب - توجد بعض الكراسي والدكك الخشبية)
حزينه : (تدخل في بطة شديد تنوكتاً على عصا) قطيعه تأخذ الحرب واليهود
وأيامهم السودا.. دم وموت وخراب ديار وعطل حال بالكذب ..
زهرة : (تدخل مندفعه) حاسبي يا خاله حزينه على مهلك (تمسك بيدها)
حاسبي يا خاله
حزينه : تسلمي وتعيشي يا زهره يا بنتي.. يحميكي لشبابك (تتذكر) كان في
سنك كده ولدي فايز كان قدك لسه ما شبعش من الدنيا في طلعة
رجب الجاي يكمل خمسة وعشرين الله يجازيكي يا دنيا ويجازي اللى
كان السبب ..
زهرة: حفك علينا يا خاله.. ولدك مات شهيد ربنا يصبرك
الشيخ عسران : (يدخل ومعه الطفل وليد) خد بيدي يا وليد يا بني ناحية اليمين
يجعلها قبله ولحد ..
وليد : ما تخافش يا عم عسران هات يدك أصل المكان عتمة ومش شايف
حاجه هات يدك هات ..
عسران : اوعى نخطي ع الرقاب يا وليد .. دي خلق ولسه فيها الروح يا بني ..

- وليد : قلت لك يا عم عسران ما تخافش ضرب النار بره إحنا في المخبأ وما فيش حد ياما ..
- زهرة : يا عم عسران إحنا في البدروم.. ربنا يسلم
- عسران : مرحب يا زهرة يا بنتي.. ساعيني.. العتب على النظر
- حزينة : (قندي) مطيعه.. عيال زي الفل كل يوم بتروح وما بترجعش زي ولدي فايز
- وليد : دي الخاله حزينة هنا يا عم عسران.. قاعده هناك فغي الركن لوحديها
- حزينة : (تندب) يا قطر الحبايب
- يا ترجع اللى غايب
- يا تأخدي معاك لبعيد
- ولدي يا ولدي
- الموت ده خطف ولدي
- عمانول ليلة العيد
- من يومها كرهت الدنيا
- والجرح عمال بيزيد (تكرر في هذيان)
- زهرة : كتر خيرك يا خاله حقك علينا كلنا... كان غصب يا خاله
- عسران : اللهم لا نسألك رد القضاء ولكن نسألك اللطف فيه يا أرحم الراحمين... خلاص يا حزينة اللى حصل حصل وربك عنده العفو
- حزينة : (تذهب إليه) هيه صحيح قلوب الناس مقفوله يا عسران !؟

عسراڻ : وحدي ربك يا حزينه الله خالق الروح وبارئها وفايز ولدك يا بخته
ساكن هناك في الجنة

حزينه : (تذهب ناحية زهره) قولي لي انتي يا زهره صحيح قلوب الناس مصدبة
!؟

زهره : الناس يا خاله فيها اللي مكفياها.. ناس متكفنه بالقلق وناس مش دريانه
بحاجه..

حزينه : هيه كده الناس يا خاله طول عمرها
يووووه ما حدش حاسس بالنار غير اللي ماسكها.. النار في قلبي يا خلق
كان شقايا وراسمالي ..

عسراڻ : كان حيلتي وسندي وعكازي والموت خطفه غصب عني.. يا فرجه ما
تمت خدها الغراب وطار ..

حزينه : شدي حيلك يا مو فايز قبل ما يغيب النهار من عنيكي شوفي اللي باقي
نظري قرب يروح والدمع بيعميني والزمن بيخلص يا عسراڻ.. ولدي
فايز غاب وسابني لوحدي ..

عسراڻ : لا حول ولا قوة إلا بالله... مسير الحي يتلاقى ويمكن نلقاه ساكن
الدارح قبلتنا هناك في الجنة مع ملايكة الرحمن... إطمئي يا مو الشهيد

زهره : إهدي يا خاله وإدعي له ربنا يقبل دعاكي ربنا يكون في عونك ويرد
قلبك ..

(تكرر في هذيان) يا عزيز عيني الموت ده خطف ولدي	حزينه :
ولدي يا ولدي مين بعدك يبقى سندي	
ولدي يا ولدي يا عزيز عيني (تروي جانباً)	
(نسمع أصوات فئابل ومفرقات- طيرات - طلقات رصاص -	
تتوتر درجات الإضاءة - الرعب يسكن القلوب والخوف يملأ المكان	
- يخفت الصوت تدريجياً- تدخل مجموعه من الرفاق ملثمون-	
يحملون نعش شهيد - يضعونه على الأرض بينما ترسم على	
وجوههم ملامح الحده والصراخ وفي أيديهم أسلحه ناريه)	
(مفزعاً) قتل ثاني يا عم عسران.. القتاتيين جاين ومعاهم ميت	وليد :
إسكت يا وليد يا بني ربك يحوش ربك يرحم	عسران :
دم الشهيد أمانه ولا تقدرش نخون العيش والملح	الأول :
دمه مش هيروح هدر .. مهما كان الموت ما بيهمنش	الثاني :
دم فايز ويوسف وعبد العاطي وسمير وأحمد زيدان أمانه في رقابنا	الثالث :
كل واحد منهم خط بيده علامه على ظهر الدنيا لجل ما يسبب ذكرى	الرابع :
طيبه وسيره مليحه ..	
لسه قادرين على الغنا مهما كان الليل طويل	الأول :
الموت علمنا نخاف على بعض وصعب نفرط أو نخون	الثاني :
وش العالم مش بخزيان ويضحك ضحكه صفرا ..	الثالث :
الخرب تار وعهد وقضيه بس مش لازم ننسى دم الشهيد	الرابع :

- حزينه : كان شابل فوق كثافه جبل يزق ما يلحق ويقول التراب غالي.. عمره ما نطق العيبه
- أيوب : ندرن عليا لأقيد دستين شمع يوم الحنه بتاعته ليلة العيد الجاي وأزغوط بالحس الحياتي.. تسلم وتعيش يا ولدي
- أيوب : (يدخل) طيرات- دبابات- مدافع- رشاشات- الدنيا مقلوبه بره.. الشوارع غرقانه دم.. شيل يا بني العضم ده معايا.. لم الباقي على مهلك.. على مهلك
- عمران : لا حول ولا قوة إلا بالله إقعد يا أيوب مكانك لغاية ما الغاره تخلص
- زهرة : كتر خورك يا عم أيوب شابل لوحذك جبل ثقيل... زي ما يكون جواك جرح العالم كله وقلبك يبتقط حزن
- أيوب : حاسب يا ولد... خدي بالك يا بنتي (ينظر حوله يكتشف الجثة) البيوت ميتة لكن لسه فيها نفس
- عمران : ربك عنده العفو.. من كام سنه يا أيوب وإننت اللي تقوله تعيده
- الأول : صعب لو بتعافر وحدك يا عم أيوب
- الثاني : والأصعب لو ما حدش سمع صوتك ولا صدق كلامك
- أيوب : (يركع ويحضن الجثة) لسه قلبه حي ..
- الثالث : شافين .. شافين الموت إزاي ييلم الميتين على بعض ..
- أيوب : لأ .. ده الزمن داس عليه لكن ما قدرش يخليه يوطي رأسه ..

حزينه :

(تذهب إلى أيوب) قلبي عندك يا قربي... فايز ولدي كان زي ابنك
ياما شلته على كتافك ..

إنت ترمح زي الرهوان وهو زي ما يموت ركب فرس النبي طائر
بجناحات عند ديل النجمة اللي في السما... تنده عليا... زغرطي يا
حزينه ولدك فايز جايب بشري.. زغرطي يا حزينه... زغرطي يا حزينه
(ترغرد)

الأم :

(تدخل) يسعد مساكو يا هليتي بشرة خير يا حزينه... كيفك يا زهره
يا بنتي... إيش حالك يا عسران بركة إنك طيب يا أيوب.. حمد الله ع
السلامه يا غاليين (بلهقهه) فين شهدي ولدي... ما رجعت معاكم ليه؟
إطمني يا خاله... شهدي بخير إطمني... عندهم عمليه كبيره الليلا دي
يسلم من كل شر ويرجع بألف سلامه ..

زهره :

عسران :

الأم :

كلهم يا عسران مش لوحده العيال كبرت وبقيت رجاله يا أم فايز...
فاتحه دراعها للنور وتعتشق ثاني الحلم يا زهره... العيال اللي بتدفع
دمها مهر الدنيا الجديده... الواحد منهم شاييل قلبه على كفه يا
أيوب... ربنا يحميهم ما حدش منهم بيخاف من الموت ولا قلبه
بيترجف منه ..

الرفاق :

كتر خورك بيه كتر خورك

الأم : تسلم رقابيكم يا غالين واللى غايب منكم يعود بالسلامه لو مكتوب له

عمر جديد واللى يروح بالغيبه تبقى الروح راحت لصاحبها والرب
كريم (تحضن نعش الشهيد)

زهرة : صدقتي يا خاله .. عمر الفرحه ما تيجي بلاش وما تكمل غير برجة
الحيايب ..

الأم : ما تخافيش يا بنتي... شهدي ولدي راجع واللى معاه.. اطمني يا زهرة

زهرة : قلقانه يا خاله (تذهب إلى الجثه) قلقانه يا خاله

الأم : (تقف) خللي قلبك جامد..

ما تخافيش... إذا كان الدم غالي التراب أغلى •

..

إظلام

المشهد الثاني

- (يدخل) وحلوهوووووووه
- الحانوتي : كل نفس ذائقة الموت ما دام غير وجه الله (يتحسس الجثة) اللهم زين وبارك اللهم صلي على النبي الشوارع مليانه منده والجثث لصبح (للفاق) أصل العملية بتاع إمبراح وقعت كام حنه كويسين يعني الواحد مش هيلحق على الشغل ..
- عمران : إنت على طول كده يا آدم زي المنشار طالع واكل وتازل واكل يا أخي
- آدم : ساعني يا شيخ عمران شغلتي وكله فايده
- الأول : يا معلم آدم ده كان زميل لبنا دفع حياته عشان الناس
- الثاني : مات شهيد... يعني نقصنا واحد غير اللي راحوا قبل كده
- الثالث : الميت لازم يندفن بسرعه يا عم آدم دي أمانه
- الرابع : كلها أربع تشيار.. يعني متر X متر
- آدم : أنا في الخدمه يا فندي... بس ما قتلوليش المرحوم عنده حوش مدافن يعني... ولا نروح بيه على مدافن الصدقه هناك على السكه.. وآهو أخرقها التراب بيلم والموت ما بيفرقش يا صاحبي
- الأول : الموت لازم يفرق يا عم آدم
- الثاني : فرق بين القاتل والمقتول
- الثالث : بين المفترى والضحية

التراب لازم يكرم الشهيد... لازم يمن على الشهيد يا عم آدم
 الرابع :
 آدم : خلاصة الكلام يا فنديه إيه المطلوب مني بالظبط ؟!
 الأول : ندفن الميت في أرض طاهره يعني ما يكونش فيها ألغام وقنابل
 الثاني : قبل كده كنا بندفن صحابنا في الجبل تطلع عليهم الكلاب تنهش لحمهم
 الثالث : حرام... ما حدش فيهم يستاهل البهدله
 الرابع : ده حق كل واحد فيهم علينا
 آدم : الأرض على صحاب الميت.. أنا شغلتي أدفن بس
 الأم : الرحمه يا آدم خللي في قلبك رحمه يا بو قلب قاسي زي الزمن
 طول عمرك سمسار للموت تعد العضم بالواحد وتبيع اللحم بالحته
 وبعد ما تقبض الثمن تقيل التراب
 آدم : ما لكيش دخل في مصالحني يا مو شهدي .. كل حي يجليه في حاله...
 قطيعه تأخذ الميت على الصاحي سوا.....
 حزينه : (في غضب) قطيعه تأخذك لوحذك يا بذره شيطاني يا ضلع معوج
 آدم : وبعدن في الليله السودا اللي مش هتخلص دي
 أيوب : (هاذياً) مش كل عرق فيه دم سخن... والتعبان يا تحش وسطه يا تكسر
 سمه يا تخلع نابه
 آدم : إيه يا خويا العالم الملاحيس دولم غطلوتنا على الفاضي داهيه تأخذكم
 واحد واحد قادر يا كريم (للفراق) شوف يا فندي إنت وهوه...
 صاحبكم ده مش هيندفن غير بموافقة الحكومه وأمر النياه

عسران: (ساخراً) ناقص تقول يا آدم عايز موافقة مجلس الأمن ومحكمة الدفن
الشرعية في بلاد الفرنجة
آدم: ما حنش يزعل من الأصول يا شيخ عسران... الطلب يكون مستوفي
الشروط عشان حرس الحدود الجته لازم تكون طريه يعني ميت طازه
عشان بتوع الصحه .. ده آخر كلام عندي

(مخرج)

الأول : (في يأس) يعني ما فيش فايدة
الثاني : (في تعجب) يعني اللي مات واستشهد ومارضيش يهرب يكون ده
مصريه ..
الثالث : الميت في بلاد الهند بيحرقوه
الرابع : وفي الصين بيعملوا له تمثال
الجميع : والفراعنه كانوا بيمطوه.. طب إحنا نعمل إيه؟؟
الأول : عمري ما خوفت من الموت ولا حسيت بيه غير دلوقت
الأم : (في شدة) إوعاك تحس بقلة الحيله يا بني.. دي صعيه قهرت الرجال
(لحظة صمت)
(في هذه الأثناء يدخل الشاعر في يده زجاجة خمر ثم يتبعه الرسام في
ملابس غريبه ومعه أدوات الرسم ... يدخلان يغنيان في حالة لا
مبالاة شديده ولكل منهما شخصيته الشاذة)

- الشاعر : (يدخل يعني) وطني حبيبي الوطن الأكبر... يوم عن يوم أحزانه بتكثر
الرسام : (يتبعه مندفعاً) وإنكساراته قلبه حياته والموضوع عمال يتنيل ... وطني
وطني ..
- الشاعر : قوللي يا عم الشيخ عسران ليه الشيوخ بيحرموا الخمره والدكاتره
بيحللوا البول !!!
- الرسام : طب ليه الغلابه دائماً يدفعوا الثمن ؟
- الشاعر : طب ليه الدنيا الواسعه دي كلها بتضيق مره واحده وتبقى قد خرم
الإبره ؟
- الرسام : طب ليه الناس كلها ميتين زي ده ؟؟ (يشير إلى الجثثه)
- الشاعر : طب ليه أنا مش قادر أفوق ؟.. ليه ؟
- عسران : الغريق يا ولدي بيتعلق بقشايه بس مين بيتدي النجده !!!
- الشاعر : إانت مثلاً عندك إستعداد تضحي بإيه عشان تفدي غيرك
- الرسام : خليه يضحي بالواد اللي معاه ده وساحبه وراه في كل حته
- عسران : يا بني أنا ضحيت كثير لما راحت عنيا ونورها إنطفى وغاب النهار في
لحظه ..
- الرسام : ما تصعيبهاش علينا يا عم الشيخ قول كلام نفهمه
- عسران : زمان لما قالولنا طفوا النور قولنا ما عندناش لمبه واحد في البلد قالوا طب
إدهنوا الشبابيك بالأزرق قولنا الحيطان فيها طاقه ما هياش شباك يعني
مش هيبان حاجه... قالوعشان الأمن قولنا طالين الستر بلاش فضايح

وهات يا بيانات ورفع الحاله القصوى والتعبه اشتغلت والطوارئ في كل مكان... طب غش بقه.. لأ انسحاب... ليه... عشان نأمن نفسينا من إيه يا جماعه... ما نعرفش... وما حدش عارف لغاية دلوقت... ما حدش عارف

[illegible]

ملحقثوس ترموهف فف الفرف فا رافل فا طفب
 فلففناش فا بفف.. الضرب كان فف المفاراف.. مففاب فففرق الكفال
 فلف فا سوسف.. نص الففش راف فف الرمل.. فاسب فا دففعف.. افوف
 ففرف فف سلافك المفرف عشان شربة مفف.. فوه فا فلفق وفاما رافف
 عفال زف الفرف زف ما ففكون فففر مففوف علفنا ..

آدي اللى احنا فالحين فيه حجة البليد جاتكو البلاوي ناس مالهاش لزمه
(مترنحاً) دي عالم فاضيه يابا غاويه تتعب نفسها بالكذب... إنسى

لا عم عسران يقدر ينسى اللى حصل ولا هنتسى تار أهالينا

الغيب فيكم يا فنانين لا خيره في الشاعر والرسام قلوب صدت وماتت

واحد سكران والتاني بيرسم بریشه في الهوا كلام خايب وألوان باهته

ناس کثیر بتموت کل یوم عشانکم .. انتوا محسویں علینا غلط وما
حلش فیکم حاسس ولا دریان بأی حاجه ..

حبايب قيموا الأفراح والليالي الملاح ولدي راجع الليله (تزغرد) ولدي
راجع يا خلق .. آخر زغروطه يا بلد .

(تكرر ثم تنهار

**

وتسقط على الأرض)

إظلام

المشهد الثالث

وليد :	(فرحاً مهللاً) يا عم عسران... عمرو شهدي رجع... عمرو شهدي
عسران :	يا بركة الله مش قلت لكم الحافظ ربنا ومسير الحي يتلاقى
شهدي :	(يدخل) أمابه... يا هليتي وناسي
الأم :	(بلهقهة) ولدي الغالي يا بن العمر الصابح يا حبة عيني وقلبي
الرسام :	مرحب يا جن يا بو العفاريت شرفت المكان يا بو سبع ترواح
شهدي :	راجعلك من ليل الغربة لحضنك الدافي... رجعت عشانكم
الأم :	الغيبه لما تطول يبقى الحق عليك غير لما تجيب الفرحة اللي طالت لقاءها
شهدي :	(لزهرة) واحشائي يا قلوب الناس يا عيون بتعلم بيا
زهرة :	ما إنت تحويشة عمري ومناي من الدنيا دي بحالها.. طمني عليك
الشاعر :	قولها إنك زي الفل وصحتك بتيجي على الحرب زي ما تكون كنت في ٢٠
شهدي :	صديقي يا زهره لما بنعلا فوق الجبل بنحس بقوتنا ونضحك على الموت
الأم :	ولدي الغالي... كلكم ولادي ولسه مافرحتش بيكم ولا شلت عيالكم
الرسام :	في حجري بس نفسي يبقى الواحد حر وتنفلك جبال الضيقه
	بلاش يا خاله سيرة الحبال والمشانق دي... أنا عندي حساسية

شهدي : كتر خيرك بمه أجرك وثوابك عند الله طول ما أنا شايك قاعده
 ترغطي كل ما يروح واحد وما يرجعش لساني ينطق كتر خيرك بمه...
 كتر خيرك بمه ..

زهرة : أنا كمان ليا حق فيك... مهري فرحه كبيره ونصر جديد وحلم يجد
 شهدي : خايف الحلم ينشف في عتينا أصل بقاله زمان يا زهره
 الأم : لو الخوف دخل قلبك حشه... لو هتكفر بالشهاده يبقى الاسم خساره
 فيك ..

شهدي : المهر اللي مالكيته هوه الدم.. دم العيال صحاي.. ولادك بمه
 الأم : همه مش مجبورين على الموت عشان الموت رجوله وانت معاهم يا
 ولدي

الشاعر : أمك عندها حق يا شهدي تقولش ياخويا الواحد فيكم رايح يموت
 بمزاجه زي اللي بيدخل فيلم ضرب في السيمما

شهدي : طول عمرك مكراني في عنيكي وبتباهي بيا إنني وزهره
 زهره : مقدرش أنكر النور لما ييجي في عز العتمه يبقى يستاهل وله قيمه
 كبيره... بس بخاف عليك يا قلبي

شهدي : قلبي بيسخن من نظرة عنيكي وبيأخذ قوته من عافية أمي
 عسرا : قلبك صندوق قديم قافل على حاجات كثير قوي يا ولدي فيه الوجع و
 فيه الفرحة عشان الناس دي كلها والناس هيه الناس فيهم المليح وفيهم
 أبو لسان مالخ... لكن قوللي يا ولدي ..

يا طعم الفرحه ولون العمر اللى جاي معاك

هانت يا زهره صدقيني

شهدي :

حقيقي يا عم شهدي الحرب هتخلص إمتى ؟

وليد :

الحرب هتخلص يوم القيامة الساعة سبعة بعد صلاة الجمعة ها ها ها

الشاعر :

هااااااای

قوللي يا عم شهدي ما تخبيش عليا

وليد :

لما اللوحه تخلص واللون ينشف الحرب هيه كمان هتخلص ياد

الرسام :

الحرب دایره هیه کمان والنصر من عند ربنا عمک عسران مش قاللک

شهدي :

کده !!

عم عسران دائما ييحبكي لي عن الحرب والناس اللي ماتت ويقعد يعيط

وليد :

لما تیجی السیرہ

الدنيا طبعها واعر يا بن عبد العاطي الله يرحم أبوك اللي مات راجل

الأم :

لكن الخوف عليك انت

لسه صغار يامو شهدي ميوعاش لكلامه... عيل خايف من ضرب النار

عسيران :

والقنابل... نفسه يطمئن

شد عليه يا عسران خليه يفكر دم أبوه ما ينسأهوش... مش لازم أبدا

الأم :

يخاف

أيوه... من حقنا نفرح بالنصر.. إحنا السبب مش حد تاني (يتذكر

أيوب :

حرب ۷۳) حالة طوارئ... إلغوا أجازات العساكر... شد حيلك يا

دفعه مد الخطوه لقدام حاسب النابلم الأرض ملغمه عدي الناحيه الثانيه
ما يهكمش... إشاره من قلب الميدان من وسط النار إلى مركز القيادة
وغرفة العمليات رفعا العلم وحرقتا علم اليهود ملعون أبو اليهود في
الأرض سجل يا تاريخ واشهد يا زمن دم العيال ما راحش هدر يا ناس
دم العيال ما راحش هدر يا خلق ..

(يكرر في انفعال شديد)

الأول :

لكن حقك انت اللي نكروه

الثاني :

غيرك قبض التمن وحد وسام نجمة سينا

الثالث :

غنوة الوطن راحت لناس متستاهلش وسكنت في قلبك عدوده

الرابع :

اللى شرب المر وطفح الكوته يبقى عال على المطرح.. ده مش عدل

الشاعر :

(متفعلا) حد يقوللى فيكم عمك أيوب وعمك عسران لسه ممانتوش

مين اللى هيديهم حقهم... واحد مش قادر ينسى الجرح القدم والثاني

الحرب لحست مخه بعد ما ضحكوا عليه ما خدش حاجه يا ولداه إنسى

الرسام :

مخدش مصدق إن الدم بينشف تحت التراب زي اللون ما بينشف فوق

اللوحة يعني تبقى أنتيكا تتحط في متحف أو معرض مالوش لزمه يعني

كله كذب X كذب كله محصل بعضه ..

شهدي :

لا .. كله مش محصل بعضه... لما تخش جوه جوه قلوب الناس المحتاجه

لنصره يبقى كيف الواحد متا يتخلى... أيوه مقدرش أتخلى مهما كان

موج البحر عاني قلبي ما يخاف الفرق (يلوور بينهم) خوني ورفاقي

الطيبين الليلاي عملية جديده نكتب أسامينا بالدم هدية لكل الناس

عشان خاطرهم ...

أهالينا اللي في الخيام رفاقنا اللي فوق الجبل.. ولادنا اللي شايلين حجر

ويتموت في قلب الميدان كل يوم .. وكل دقيقه

يحرم علينا نعيش بالقهر ولا نموت بالساهل

الأول :

نقطع عرق عشان يسبح الدم الزفر

الثاني :

يمكن نقدر نكوي الجرح لجل ما يطيب

الثالث :

لا فرطنا ولا نعرفش نخون.. الشهيد هندفه هنا في مكانه عشانه يعلا

الجميع :

مقامه وسطينا ..

(يحفرون للجثّة شاهد قبر)

لو فرغوا الرصاص في عنيا

الأول :

لو صلبوني في عز الصلا

الثاني :

لو غرسوا دماغني في قلب الرمل

الثالث :

يمكن دلوقت مش هيجس بالغربه وقلوبنا حواليه

الجميع :

(يدفنون الجثّة)

بميمكم يا قلوب خضره ونديه

الأم :

أنا هسجد لله حمد وشكرانيه

(تكرّر ثم تسجد على الأرض)

(بعد الإنتهاء من دفن الجثث يلتف الجميع حولها وبينهم شهدي لتأدية القسم وهم

يحملون السلاح

ينما يزوي الشاعر والرسام جانباً في حالة دهشة وانهار)

(أداء القسم وحلف اليمين)

الجميع :

بحق الشمس النعسانه في حضن البناويع

والتوهه ع الطريق وعالم يضحك ضحك بمرار

بحق الحسره والقهر اللي صاب الجميع

بحق الفقر اللي عتش جوانا قبل جوع الخلق

بحق مين حاسس بركان الغضب

سايب دمه في رقابينا أمانه على حموة السكين

بحق الدم الغرقان في الطين وقت ما كان النهر بحيل

بحق عذاب الشاعر والفنان اللي بيكفر بالدنيا البكر

بحق الناس اللي بتعلم بسوق العيش

والناس اللي بتهرب وتبيع الجنسيه وتقبل عبوديه

بحق مين قال راجع ومات غريب

بحق مين شايف وسامع وبلغ لسانه غصب عنه

بحق مين يشهد ألف مره وبايع عمره برضاه

نعلن ان اليوم أسود على أعادينا والبادي أظلم

الله / الوطن / الشهادة

يا جبل ما يهزك ريح

يا جبل ما يهزك ريح

..

إِظْلَام

المشهد الرابع

(يدخل زكي الشاطر مرتديا ملابس قهوجي يعد أرقاً ماله...
يتطلع الوجوه في اشتزاز كارها شكل المكان ينما تحضن الأم زهره
ويوتري جانباً كل من حزينه والشيخ عسران ومعه الطفل ولبد.. أما
الشاعر والرسام في حالهما كالعادة أحدهما يشرب الخمر والآخر
يرسم لوحته)

زكي الشاطر: (متذمرا) حاجه تسد النفس داهية تقلب نفوخكم يا عجر.. زباين

آخر زمن عيشتهم لبط ياكلو مال النبي ما صدقوا الغاره قامت
والرصاص بدأ يزغرط في الهوا قالو يا فيك لا حساب ولا يحزنون..
انت يا عم الشاعر عليك حساب ٤ شاي وحجرين شيشه قبل ما
تروح البار عشان الهباب اللي في ايده ده

الشاعر: أنا مش فاكرا يا زكي إني شربت شاوي خاااالص ... أنا معرفش غير

منقوع البراطيش ده

زكي : لألا.. دنا مخربش قوي وصايح والجعان أو كله الأونطه بعديها يشرب ميه

بتلج يقوللي متشكرين

الشاعر : ملكش حاجه عندي وحل عن نفوخي أنا مش ناقصك يا زكي شوف

بأقاي الزباين اللى هربت منك يا مفتاح

زكي : (يمسكه من القميص) فوق شوية يا سكران يابن التايهه ..

الرسام : سيبه ده معايا... حسابك كام يا زكي
 زكي : هتدفع يا فنان حساب زميلك وحسابك إنت كمان... عليك بالصلاة
 على النبي (يقراً من التوتة) تلاته قهوه فرنساوي وأربعة بندق ..
 وسندوتش فول وحساب الشاعر مع البقشيش سبعة جنيه بالتمام
 والكمال ..
 الرسام : خلاص لما تخلص الغاره ونطلع بره في النور هتاخدمهم .. بلاش زيطة
 وكفايه بقى عايزين نشتغل ..
 زكي : ماشي الكلام يا فنان... خليك مع الكداب لغاية عتب الباب ..
 الشاعر : إبقى قابلي يا شاطر... إنسى هاو ..
 زكي : فين البت أخيتي زهره مقصوفة الرقبه... شوفتها أول ما بدأت الغاره
 جت تجري على هنا.. هيه فين؟؟
 زهره : أيوه يا زكي... مالك عايز ميني إيه ؟
 زكي : إيه اللي خلاكي تيجي لوحذك هنا.. مش تعدي تطميني على أخوكي^٦..
 زهره : القهوه كانت مليانه ناس جريت معاهم لغاية ما نزلت البدروم قعدت
 مع أهالينا من ساعتها ..
 زكي : (ساخرا) أهالينا.. من خالتك أم شهدي لخالتك حزينه يا قلبي ما
 تسألش وأدي عمك أيوب والشيخ عسران يا رب عليك العوض..

مرحب بالسكران وأبو ريشه همه دولم أهلك يا زهره يا بنت أبويا
وأمي... يا هي الثقيل يا طوق في رقبتي يا مقصوفة الرقبه ..
ياخي فك الطوق ده وإعتقني لوجه الله عشان خاطر أبوك وأمك ملكش
دعوه بيا ..
عشان تمشي على كيفك يا متعلمه يا بتاعت المدارس والجامعه.. الله
يرحم أبونا كان نفسه تطلعي سفره وتروحي بلاد الخواجات تخلى
العقد والمشاكل الله يرحمه كان موهوم وعيان بالشرف ويجب الفقر زي
عينيه ..
عسران : إنت محدش يسلم من لسانك المؤذي يا براوي ياللى ملكش خير في حد ..
زكي : خليك في نفسك يا شيخ عسران يا بتاع النكسه ..
وليد : (ينظر إليه في إعجاب ويحدق فيه كثيراً)
زكي : مالك ياد بتبحلق فيا كده ليه ؟
وليد : جيت لي الكوره والشورت والفانله يا عم زكي ؟
زكي : فكرتني يا كابتن وليد... جيتهم.. هات من عمك عسران خمسين جنيه
وتعالى خدhem.. جيت لك كمان لعب وعرايس وبلالين وعسلية ..
وحاجات كتير هتمعجبك خالص.. هات فلوس وتعالى ..
وليد : هات يا عم عسران فلوس عشان أشتري الحاجات دي من عم زكي ..
عسران : إسكت يا بني ملكش دعوه بالشيطان ده.. بكره هجيب لك كل حاجه
إنت عايزها من السوق ..

أيوب : لو معايا السيف البطار بتاعي كنت طيرت رقبتك دلوقت.. لو معايا
قنبله كنت حطيتها في عينك.. لو معايا رشاش كنت عملتك مصفايه
وغربال لو معايا...

زكي : (مقاطعاً) لو معاك خمسه جنيه حق الدخان اللى طفحته على القهوة
ناولني لو معاك تلاته جنيه تحت الحساب مفيش مانع.. قلت إيه يا بو
الحروب يا قائد الجيوش.. هتدفع ولا...؟؟؟

أيوب : لما نحرر أورشليم يا كوهين يا بن متشولح (يتعد عنه ركضاً)
وحق من رفع السما سيم طبقات لما تخلص الغاره دي ولعب العيال ده
لأربطك في رجل كرسي قدام باب القهوة لغاية ما تدفع اللى عليك
ياللى الحرب لحست محك من بدري ..

الشاعر : وحق دي النعمه أنا كنت بدعي ربنا دلوقت على المفترى وإين الحرام
(ها ها هااي)

الرسام : هارسم لك صوره يا زكي بالفحم والمعدل على حجر من حيطان
البدروم يمكن ربنا يولع فيك ونرتاح منك يا خي ..

زكي : (فازعاً في الجميع) هيبقى آخر يوم ليكم على وش الدنيا.. زباين هم
على نكد داهية تخرب بيوتكم بحق جاه النبي ..

الأم : قلبك سو... ملعون قلبك زي الزن ياللى غاوي تبيع أهللك وكل اللى
ليك ملعون ألف لعنه ..

زكي : بلاش تنطق العيبه يامو شهدي وتركي الغلط ..

الرسام :

أخرم عينك دلوقت مش عارف أشغل يا زفت اللوحه باظت يا زكي
على عندك دم شوية ..

زكي :

من أول ما دخلت وإنتم بتشتمونني زي ما يكون ليكم تار عندي..
بدأها الراجل المهروس ده قائد الجيوش وبعديه أم البطل فارس الفرسان
زاد عليكم الكفيف أبو عصاية حتى البت أختي مكسورة الرقبة وختمت
بالسكران والفنان الفاشل ده قطيعه تأخذكم واحد واحد.. والله ما
فيكم غير الواد الغلبان ده خايف أحسن يشم منكم ريحة الفقر بعدين
يمرض بالشرف والذمه والأمانه و القلب الطاهر والكلام المحص ده...
أمي ربنا يتوب علينا !!!

زهرة :

قوللي يابن أبويا وأمي..
مفيش حاجه تستاهل تكون ليها قيمه عندك... اللي قدك من سنك من
دورك هناك في الجبهة شارين المر وناس كثير هنا يتموت... إنت
متعرفش يعني إيه وطن.. يعني إيه دم.. شعب من غير أرض متآخده
منهم متعرفش تحس بغيرك ..

زكي :

إنتي كمان هتكلمي في السياسة يا زهرة يا بنت أبوكي.. عايزاني
أمسك مدفع وأروح أحارب ليه بايع عمري ولا طالبه معايا إنتحار..
باين عليكى إنجنتي إنتي روعره ..

- لازم تعرفي إن اللي لسه ياكل في ضوافره هيموت من الغيظ.. لازم
تلبسي عيون قراز عشان تشوفي الحقيقه وتبطلتي وهم بقي... سيك من
الكلام ده عايزين نقب على وش الدنيا ..
- أيوب : (فازعاً كعادته) لولا الخيانة ما كان إنجزم عرابي.. زمان سعد باشا خد
معاه روح الوطن في المنفى.. قيل منهم كان مصطفي كامل يزعق على
مشائق دنشواي ساعة شقق زهران ..
- عسران : منه لله اللي قاصد أذى... شعب وناس ودول وبشر... كل اللي يخون
وغيره يدفع التمن.. منه لله... منه لله
- (في هذه اللحظة.. تدخل مجموعة الرفاق مجهدون تبدو عليهم
ملامح التعب من أثر العملية القتالية الأخيرة ولم يظهر شهدي معهم
فتبدأ علامات الإستفهام حول إختفائه)
- الأم : (في قلق) حمد لله ع السلامه يا غاليين
الرفاق : (صامتون)
- زهرة : (في قلق أيضاً) فين شهدي.. مرجعش معاكم ليه ؟ (الأم تتابع
بلهفه)
- الأول : كان معانا لآخر لحظه ..
- الثاني : أول واحد فينا مد الخطوه لقدام ..
- الثالث : هجمننا معاه على العدو زي القضا ..
- الرابع : تقابل ورشاشات و قلب جري يغوت في الصخر ..

- الأول : في غمضة عين ملقهاش وسطينا ..
- الثاني : إختفى لا سلاح ولا دم ..
- الثالث : منعرفش راح فين .. منعرفش ..
- زهرة : يعني إيه شهدي يختفي وسطيكم .. حد يفهمني .. حد يفهمني ..
- عسران : حد ينطق فيكم يا ولدي ... حد يبل ريقنا سايق عليكو اللي ..
- القلب معادش يتحمل .. حد فيكم ينطق يا ولاد ..
- (صامتون)
- الرفاق : (في ثماته لنفسه) اللي يقاوح هياخد فوق دماغه ..
- زكي : غشيم من يقف قدام القطر ... الموت زي القطر واحد في وشه ..
- ما ينفعش حد يحارب الدنيا بقنبيله ورشاش وحجر ..
- يبقى غي مش بطل ..
- أيوب : ياما دقت على الراس طبول متخافوش ... الطيارات اللي سدت عين الشمس هترحل بعيد متخافوش الشمس اللي غابت على غفله هترجع
- ما ينفعش تسبب السما في ليل على طول ما ينفعش .. ما ينفعش
- زهرة : صدقت يا عم أيوب .. شهدي لازم هيرجع .. إطمئن يا خاله
- (تحضن أم شهدي)
- الأم : لاختايه ولا قلقانه لكن عشماته في اللي غايب يرجع ..

حزينه : (تقف وتذهب للأم) كل يوم بعد صلاة الفجر أفتح ذراعاتي للسما
ولساني ينطلق بالتسايح ..
يا واحد العدد وموحد الكون... بحكمتك يا خالق الروح من روح.. يا
كاتب العمر في اللوح المحفوظ طول عمرك رب قلوب لا تكوي قلب
أي أم بنار الفراق ولا تشرب نار وليدها (تحضن أم شهدي)
وتجعل يومها قبل يوم ضناها يا أرحم الراحمين ..
اطمني يامو شهدي ولدك راجع مع ولدي فايز ماهم كانوا إخوات ..
راضعين على بعض من سدري وسدرك والحضن فينا كان يساع اتين ..
وتلاته وكل العيال.. إطمئني.. إطمئني ..
قلت لكم لا خايفه ولا قلقانه لكن عشماته في رب الخلق ..
الأم : يرجع الغايب وعيني تشوفه ..
الشاعر والرسام: (يقفان في لحظة يقظه ووعي في إنتظار الغائب وكل منهما ينظر إلى
الباب)
الأول : زي ما يكون حلم أشوفه راجع بسلاحه
الثاني : عدى السلك الشايك ونده عليا كان في إيده قنبله
الثالث : بيتهاأل سامع صوته ..
الرابع : أيوه.. راجع بيغني.. (يا جبل ما يهزك ريح... غطيني لو دمي بسيج)
الأول : كان صعب علينا نرجع من غيره ..
الثاني : بس هو رايح فين منعرفش ..

(لحظات صمت وانتظار قليله)

الشاعر :

(واعياً) ملعونه الخمره اللى تنسيبي اللى حصل لفايز
ومش هتنسيبي اللى ممكن يحصل لشهدي (يلق بالزجاجة) لأ مقدرش
أتحمل اللى جاي من عمري يكون غبا وجهل و قهحيص ع الفاضي..
خمره وسكر وعربده وقلب ميت وجسم مفيهوش روح بتحس .. لأ
مقدرش... شهدي إن شاء الله هيرجع شهدي مقدرش يتخلي عنا
مقدرش يبقى جبان زي ما يفرطش بالساهل ..
والني يا رب في وقت الشده محتاجلك عشان متصدينش ..
ما تكتيش علينا الفراق زي ما كتبت علينا قلة الحيله ..
يسلم لسانك يا ولدي يسلم عمرك وشبابك الغالي إنت واللى زيك ..
(في لحظة ندم) نشفت ريشتي على لون واحد خدوها علقوها في كل
مكان عشان تشوفها الناس يمكن تقدر ترسم اللى معرفتش أرسمه دايره
كبيرة جواها علامة إستفهام وبقعة دم ..
كان نفسي أرسم وطن يعني قلوب و ناس بتعرف يعني إيه معني الشهيد ..
فضوها سيره بقي.. الحى أبقي من الميت.. واللى مات...
(تقاطعه) اوعى تقول ولا تنطق (قممس له) خالتك حزينه ما
تتحملش.. والخاله أم شهدي مش هتسمح لك تبخ سمك في وش الكل
خللى قلبك معانا وقول يا رب الغايب يرجع ..
أنا مالى باللى يرجع و ما يرجعش ..

عسرا :

الرسام :

زكي :

زهرة :

زكي :

زهرة : خلاص حظ على لسانك حمر ونحيي الشماته اللي في عينك وبفضح
سرك ..
(الشاعر والرسام يتقابلان في نقطة واحدة وكأنه عهداً ضمناً بينهما
لإستكمال المشوار)
الشاعر : ملعون اللي يشرب خمره ويتوه بكيفه ..
الرسام : ملعون اللي يصدق الكذب وينكر الحقيقه مهما كانت بتجرح ..
الشاعر : راحت الغشاوة من عينا وقلعنا وش الخوف ..
الرسام : كتر خيرك بيه... كتر خيرك بامه ..
**

إظلام

المشهد الخامس

- وليد : (ينقلت من يد عسراڻ ويغني) يا حمام يا حمام
طير بجناحك يحيي الريش
يا حمام يا حمام
يا حمام الغاري طير
قلبي جناح وفراشه حرير
يا حمام يا حمام
- عسراڻ : تعالى هنا يا ولدي مش وقته... تعالى يا بني متوجعش قلبي
وليد : (في ضجر) يووووه.. حتى الحمام معدش يعني زي زمان
الشاعر : الموت بيحصلد في الحمام يا بني وصوت الرصاص بيعزف لحنه
وليد : قوللى يا عمو.. هيه الملائكه شبه الحمام بجد ولا إحنا اللي شبه الملائكه!
الرسام : الملائكه نور من عند ربنا والحمام قلوب صغيره زي قلبك
وليد : لأ.. الحمام معدش بيطير في السما يروح هناك في الجنة عند ربنا
عسراڻ : ما تقولش كده يا بني حرام عليك يا وليد.. ربنا بيعجب الحمام والملائكه
والقلوب الطاهره اللى زيك
- وليد : أنا نفسي أغني بصوت عالى لكن بخاف من ضرب النار
الشاعر : حقك تأخذ على خاطرك... بس لازم تفهم ال.....

- وليد : (مقاطعاً له) إنت تعرف بابا... يعني إيه شهيد... أصل بابا مات شهيد واليهود ضربه ..
- الشاعر : عمرك شوفت ديب حنين أو حدايه بتغني على سطح البيوت ..
- وليد : أنا مش فاهم حاجه...
- الرسام : كل يوم أطلع من المدرسة أضربهم بالطوب وأجري كل يوم كل يوم... زهقت زهقت يا عمو نفسي أرسم زيك حمامه وشجره ..
- الرسام : هعلمك إزاي ترسم وتمسك فرشته ولون وترسم على القماش و اللوح الخشب ..
- وليد : المحله بتاعتي مليانه حجاره وقنابل... ثقيله قوي يا عمو مش قادر أشيلها ..
- عسوان : كفايه يا بني تعالى هنا ..
- وليد : لما تقوللي عمو شهدي هيرجع ولا مات... الحرب هتخلص إمتى عاوز ألعب وأغني مع صحابي مش عايز أموت دلوقتي... كل اللي بيروح ما يرجعش زي بابا ..
- (يكرر ويكي)
- وليد : مش عايز أموت زي بابا ..
- زكي : بس ما تعيطش يا كابتن وليد... أنا عندي برج حمام هأخذك معايا تلعب هناك على كيفك سيبك من العالم دي خليك معايا ولما نخلص الغاره نطلع على اليرج نظير الحمام وتغنيه ..

وليد : صحيح يا عم زكي هلع مع الحمام وهندي كوره وترنج زي

ما قلت لي ؟!

الأم : قلت لك شد على الواد يا عسران... قلبه رهيف وعقله صغار وأي

شيطان يقدر يخاويه بالساهل ..

عسران : تعالى يا ولدي هنا قلت لك قلبي موجوع ما يتحملش تعالى و يكفك

حزينه : قلبي قايد فيه النار يا خلق

والخيانة كلس دابر غصب عننا (تشير إلى زكي) لسه فاكراك يا ولدي

يا ما قلت لك حاسب من الخيانة.. حاسب من الأندال... كان جني

قاعد هنا بياكل في نفسه ويقرقش سنانه من الغيظ ينش الأرض بعنيه

وجبينه معقود زي اللي ناوي يروح وما يرجعش واهب عمره لغيره

قلت لك حاسب إوعى يا فايز خد بالك من نفسك لكن مسمعش

الكلام ..

الأم : أجرك وثوابك عند الخالق وربك كريم ما بينساش اللي خلقه ..

حزينه : (في بكاء وتعديد) مين اللي هيكب بلساني

مين اللي هيجكي الحكايه

مين يأخد مني سنين عمري

مين هيرجع لي ضنايا

**

الشاعر : لأ يا خاله... دم فايز واللى زيه مش هيروح هدر

- الأول : دم فايز وعبد العاطي مش هيروح هدر
- الثاني : دم سمير وأحمد زيدان مش هيروح هدر
- الثالث : لا زهقتا ولا حسينا بالملل طول ما فينا نفس أو روح
- الرابع : هنروح للموت واجب ولازم ينقضي
- الرسام : عملية جديده نخصد فيها رقاب أعادينا
- الجميع : هتشاهد كل دقيقه ونفجر بركان الغضب
- (مخرجون ومعهم الشاعر والرسام)
- زهرة : يمكن يكون شهدي هناك واقف مستني حالف ما يرجع غير معاكم بعد النصر الكبير ..
- حزينه : مين يكتب على لساني شباب زي الورد من عمر ولدي فايز.. طالعين مش خايفين من الموت.. ندرن عليا يوم ما يرجعو سالمين لأفرك دستين شمع على كل مقام شيخ أو شهيد.. والكل يشرب شربات الفرح برجعة الحبايب ..
- أيوب : (بتحجة عسكرية) تمام يا فندم.. الحرب هيه الحرب.. شرف ورجوله واللى يرشنا ..
- بالميه نرشه بالدم يعني الرد على الرصاص يكون بالرصاص أيوه الرد على الرصاص يكون بالرصاص — تمام يافندم ..

عسران : الحق حق يا ولاد والبادي أظلم ربنا ما يتخلّش عن حد ومسير الحي
يتلاقى ..
الأم : طابت قلوبكم
تحميكم نظرة عيني العفوية
يا رب يا مقسم الأرزاق والأعمار والمقدر لابد يكون
يا خازن الأسرار وعالم بيها.. أنا سري عندك وإنت العليم
قلي عمره ما كان جاحد ولا صابني مكروه... يشهد عليا الليل إن عيني
ما عرفت يوم بكا.. لا تحكم عليا بدمع العياط ولا سكوت القهر ولا
حزن القلوب والحكم ليك وحدك ..
زكي : (ساخراً) عالم غيبه مش عارفه مصلحتها فين.. ناس مضروبه بالوطنيه
والكلام الفارغ وناس عابشه على الوهم يمكن ربنا يفرجها بقا لهم على
الحال ده ياما ..
عسران : لازم الحق يترد لصحابه
زكي : صدقوني بلاش الرهان على حاجه مش مضمونه
زهرة : هو إنت مفيش حد يصعب عليك فتمد إيدك تحوش عنه !!
زكي : لما تكون الريح بتعوي وتهدد بالخطر يبقى الشاطر مين يطايطي لما تبان
الزعابيب ..
فاهماني يا بنت أبويا وأمي ..
الأم : الغريق مش محتاج من حد إذن عشان ينجده ..

زكي :

أيوب :

زكي :

غشيم من يقف قدام القطر ويعمل نفسه بطل يا خاله
سوس بينخر في العضم... دم زفر يمشي في العروق
الدم سال وغرق الشوارع على رأيك يا بو الحروب... الدم في كل
مطرح يا عسران قتيل في كل حته يا خاله... ميت كل دقيقه يا بنت
أبويا وأمي... من زمان معرفتش أكون زي شهدي شابل قلبه على كفه
معرفتش أبقى فايز وعيد العاطي وأحمد زيدان كل واحد فيهم كان
بيختار صاحبه كل واحد فيهم بينده على الثاني... سكه واحده تجمعهم
والخطوه تمد لقدام ..

كنت بتغاط وأحس بقلة القيمه لكن كنت بقول لنفسي يمكن الحظ ينده
لى في سكه بعيده عنهم خللي الفقر يغور ..
كنت شايف البعيد وأبعد من الشوف كمان ..
كل واحد فيهم كان حاسبها غلط ..
مفيش حد غيري اللي يقدر يحسبها صح ..
خلينا نشوف الدنيا... خللي الفقر يغور ..
(يضحك بصوت عالي ويلف المكان في عصبه شديده ثم يخرج)

إظلام

المشهد السادس

- زهرة : (في ضعف) قلقانه يا خاله خديني في سدرك
الأم : تعالي يا ضنايا يا بنت النور والحلم الباقي (تحضنها)
- زهرة : قلبي مقبوض يا خاله معرفش ليه ؟ !
الأم : خلّي قلبك جامد متخلّيش حد يشمت
وليد : سيب إيدي بقي يا عم عسران (بحاول الإنفلات)
عسران : حاسب متعافرش حاسب تطرف عيني
وليد : سيب إيدي هجيلك تاني متخافش ..
عسران : عايز تقرب مني زي العمر اللي راح والزمن اللي ضحكك عليا ..
الأم : (تحدّره) إوعاك تسبيه يا عسران ليطلع بره يفوت المطرح ..
زكي : (يدخل) مش قلت لكم
غشيم من يقف قدام القطر.. اللي يرمي نفسه في النار يستاهل (بشماته)
عاملين أبطال وشهدا حتى الشاعر السكران أبو قزازه والثاني الرسام
الفاشل أبو ريشه المجنون خدقتم شوطه وراحت ..
زهرة : ما لهم جراهم إيه ؟! ماله الشاعر والرسام والباقيين ..؟!
زكي : الباقيين بره عاملين مندبه وعياط وتواخ زي خالتك حزينه بالظبط قال
إيه مش لاقين الشاعر والرسام فص ملح وداب زي ما يكون كابوس ..

- عسوان : كل يوم العيال تنقص واحد.... معدش فاضل كثير يا رب سَلِّمْ...
- زكي : (ساخراً) منهيألي والله أعلم إن الجن خطف الشاعر أو يمكن نادى عليه النداهه أما الرسام أبو ريشه يكون تاه في الغابه أكله الغول أو خطفه الصقر ..
- زهرة : (في إنفعال شديد) قلت لك داري الشماته اللي في عنيك بتفضح سرك ..
- الأم : بلاش تبخ سمك في وش الكل... قلبك مريض ومليان سو ..
- زكي : أنا مالى يا ست الكل هو أنا اللي خطفتهم ..
- حزينة : ولدي يا ولدي الموت ده خطف ولدي يا عزيز عيني يا أغلى من كبدي ..
- وليد : (ينفقت هذه المره) حتى الكبار بيخطفهم... مين اللي خطف بابا وعمو شهدي !؟ مين اللي خطف الشاعر والرسام مين اللي خطف عمو فايز بن الخاله حزينة اللي قاعده تعيط طول الليل والنهار مين اللي خطف ماما وخلأها تروح غموت وتسبيبي ..
- زهرة : لأ يا ضنايا.. أمك شهيده ضحت عشان الكل وعشانك ..
- وليد : ضحت بيا وسابتني لوحدي... أنا حتى مش فاكر شكلها !!
- زهرة : كنت لسه بترضع مقبلتش ترضعك لين عكته لين مليان حزن ومرار لين مخلوط بالدم ..
- وليد : عشان قلبها كان بيترف بعد ما مات أبوك ..
- راحت تأخذ بتار أبويا ولا راحت تنتحر !!

زهره : لأ يا وليد.. ماما كانت فدائية من الفدائين شهيدة عند ربنا زي كل
الشهدا اللي راحو عند ربنا عشان خاطرنا فاهمي يا ضايا ..

الأم : تسلمي يا زهره بنت النور والصبح الجديد

زهره : من هنا ورايح إنت إبني وضنايا (تحضن وليد) إبني كل واحد بايع
عمره برضاه ومات شهيد زي أبوك البطل عبد العاطي ..

وليد : هم ماتوا ولا إنحفظوا.. كرهت سيرة الموت كرهت الحرب كرهت كل
حاجه كرهت الكوره كرهت الرسم كرهت حتى الحمام اللي بيغني
ويطير في السما كرهت كل حاجه ..

عسوان : كفاية يا بني ما توجعش قلبي.. قلت لك قلبي موجوع ما يتحملش تعالى
وكفياك ..

وليد : لأ موش كفاية كل اللي حبيتهم ماتوا وعم آدم الحانوتي دفنهم (يشير
إلى شاهد القبر) مين اللي عليه الدور المره الجايه.. أنا خايف (يجري
ناحية عسوان) خايف يا عم عسوان خايف ..

عسوان : لا تخاف يا ولدي.. لا تصعبها علينا ربك يسلم يا ولدي ..

زكي : فضوها سيره بلاش هم ونكد خلونا في الفرح (مخاطباً زهره) المعلم آدم
طلب يدك وقرينا الفاتحه ميروك عليك السعد يا بنت أبويا و أمي خلينا
نقب على وش الدنيا وبقائنا قيمه وسط الخلق ..

زهره : مش بكيفك يا زكي لما يكون آخر يوم في عمري... مش بكيفك مش
هو افق ..

زكي : لازم توافقي يا هي التقييل يا طوق في رقبتي يا وش الفقر ياللى متعرفيش
مصلحتك ..
زهره : في شرع مين عايز تتحكم فيا تبيع وتشتري ؟؟..
زكي : هيه كلمه ملهاش ثاني هتتجوزي من المعلم آدم غصب عنك ..
زهره : يا ناس اشهدوا... أخويا هيجوزني غصبانيه وإفترأ ..
عسران : كيف تجررها على حاجه ما عيزهاش يا ولدي ..
زكي : محدش له كلمه غيري في الموضوع ده كل حي معلق من رقبته ويعرف
مصلحته ..
زهره : طول عمرك شاطر لكن المره دي خسرت الرهان يا زكي ..
زكي : ده متيألك ...
الأم : قلب زهره ما يستاهلش منك الدبح ولا طعن السكاكين ..
زكي : من جاور السعيد يسعد بمو شهدي... دي حاجه خصوصي بمو البطل
(تتوتر درجات الإضاءة مع دخول مجموعه من الأشباح يلتفون حول
زهره في محاولة إغتصاب بينهم آدم الحانوتي في لحظات السطوة بينما
تلتف مجموعه أخرى من الأشباح حول {الأم- أيوب - الشيخ
عسران - خزينه } يبدو المشهد كأنه كابوساً مزعجاً {شبكة
عنكبوتيه } لا أحد يستطيع الفكاك منها)

زكي : مهرك قبضته بنفسه والفاطمه قربناها والشهود العدول تحت الطلب
وشرط القبول متوفر لولي الأمر يعني جوازه حلال وشرعي حسب
كتاب ربنا ما يقول يا عروسه ..

الأم : غصب واقترا وفعل شياطين ..

عسوان : لا شرع ولا عدل واللى يخون منه لله ..

حزينه : (تنجح في الهروب) ولدي فايز مات النهارده.. زهره ماتت هيه
روخره ..

(تكرر ثم تخرج ولا تعود)

أيوب : (يزداد جنوناً) مديحه مديحه قلت لكم مديحه واللى باقى قليل ..

زكي : ما حدش يقدر يغلطني.. فرح أختي الليله ومش عايزين معازيم ..

زهره : (تقاوم في يأس - تصرخ صراخاً مكتوماً)

وليد : (يبدو عليه القزع والرعب)

آدم : (تبدو عليه لحظات السطوه - صامت لا يتكلم كأنه الموت)

زكي : قلت لكم ما حدش صدقني

اللى يقارح هياخد فوق دماغه

اللى يقف قدام القطر يبقى غشيم ويستاهل يندلس بالرجلين

اللى يشتري التراب ويقول عليه دهب هيدفع دم قلبه ويموت م الغيظ

(كأنه نخاساً في مزاد)

بص بعينك فتح عينك علشان تقدر تنفرج واللى ما بتفرج يتحسر لو
على عينك غشاوة نظر شوف لك نضاره قزاز عشان تقدر تشوف
الحقيقه وتبطل وهم
اللى يعمل بطل يلقى غي
(بصرخون) فينك يا شهدي
الجميع :

..

إظلام

المشهد السابع •• الأخير

(لحظات صمت قصيره- ترقب وانتظار - يدخل شهدي فوق كرسي متحرك- فقط يلف ويدور في المكان في عصبية شديده وهو منكس الرأس لا يتكلم مدفوعاً من الرفاق في بضع شديد)

وليد : عم شهدي رجع .. عم شهدي رجع ... هيه الحرب خلصت يا عم شهدي !!!؟

شهدي : (صامت لا يتكلم - منكس الرأس)

الرفاق : (صامتون أيضاً)

وليد : (لأحدهم) ماله عم شهدي مش بيتكلم ليه ؟!

أيوب : (مندهشاً) لا... أنا مش مجنون ... مش مجنون

ولا حتى الحرب لحست عقلي من كتر ما شفت منها

مقدرش أصدق ترجع يا شهدي مكسور الخاطر مقدرش أشوفكم

راجعين بقله الخيله... مقدرش أحكي للعيال اللي أنا شايفه ده..

مقدرش .. كنت محضر لك نيشان يا غالى إنت وزمايلك

كنت هغنيلكم... مقدرش أقول ألف رحمه ونور عليك يا شهدي ..

مقدرش أقول ألف رحمه ونور عليكم يا غاليين ..

مقدرش .. مقدرش (يخرج ولا يعود)

**

وليد : قوللي يا عم عسران... ليه عم شهدي قاعد على كرسي... هيه رجله

واجعاه ولا جاي عيان من الحرب مش قادر يتحرك... قوللي يا عم

عسران ليه ؟

عسران : إنطق يا شهدي يا ولدي إيه اللي حصل... حد فيكم ينطق يا ولاد...

حد ييل ريقنا سايق عليكو النبي القلب معدش يتحمل مرار.. حد ينطق

فيكم ..

الأول : الليل قاسي ما بيرحمش ..

الثاني : الحرب غربه وتوهه والموت بيدوس على العشم ..

الثالث : مفرطناش لكن مش قادرين نكمل ..

الرابع : كل يوم واحد بيروح كل دقيقه حد ييموت في غمضة عين ..

الجميع : مش قادرين نكمل يا عم عسران... مش قادرين نكمل ..

عسران : لا... لسه يا دنيا لينا حق عندك لسه مفرحناش بمجد... يعني هو مكتوب

عليا أعيش الذكرى لوحدي والغناوي في صدري تموت كل حاجه كل

حاجه بتروح... تاريخ ودم وبشر و كفن وحرب وخساره... كله

بيروح هلر.. حرام حرام ..

الأم : (تنفجر غيظاً) ملعون يا ولدي لو راجع مكسور الخاطر... ملعونه

البطن اللي شالتك ولقت بيك على الأوليا والمشايخ... ملعونه لففة قلبي

عليك لما جاني الطلق ولساني يتنتم يا رب سَلَم يا رب سَلَم ملعون

القلق والضيق والسبع دوخات..

وقت رش الملح في الغريال ولساني بيتتم يا رب خللي يا رب خللي
ملعون صوتي لما دقيت الهون وقلت اللهم بارك معنديش غيره شحتاه
منك يا عاطي يا كريم...

هوه حيلتي وخالي ومحتالي وتحويشة عمري ملعون قلبك ليوم الدين يا بن
بطني وعمري ..

يا ريتك ما رجعت يا شهدي كنت بقيت بطل ..

يا ريتك ما رجعت يا ولدي.. يا ريتك ما رجعت يا ولدي ..

(في ندم) كتر خيرك بيه / كتر خيرك بيه

محدث يقوللي بيه ..

الرفاق :

الأم :

لا خلفت جبان ولا بطني شالت مهزوم ..

عمري ما قلت الآه ولا ضهري طق منه الوجع عشان عيال خاييه

ولادي اللي شلتهم على كتفي رجاله لا تعرف تفرط ولا تعرف تخون

ولادي لا ضيوف على المطرح ولا عاله على الدنيا

الدنيا اللي بنحلم بيها بجد ..

والناس المحتاجه لنصره.. مين هيبيل ريقهم ..

ولادي الواحد فيهم حر ولا يرضى بقلة الحيله ..

لو عين في الجنة وعين في النار يلقى العما أحسن ليئا قبلينكم ..

(في حماس) لا فرطنا ولا نعرفش نخون

الأول :

- الثاني : يحرم علينا نعيش بالقهر ولا نموت بالساهل
- الثالث : الخوف موت لكن الموت رجوله
- الرابع : الشهادة والدم هديه ليكي ولكل الناس (بواجهون الجمهور)
- (يتطلق من بينهم الطفل وليد امتدادا لمشوار البدايه رافعا يده ...
- بعلامة النصر أو الشهادة مع أغنية الختام)
- الأم : يحميكم يا ولادي...
- يا قلوب خضره ونديه
- أنا همجد الله حمد وشكرانيه ...
- إضاءة كاملة

تمت بحمد الله

الفهرس

المشهد الأول	كثر خيرك يمه
المشهد الثاني	قالو لنا طفو النور
المشهد الثالث	يا جبل ما يهزك ريح
المشهد الرابع	كان نفسي أرسم وطن
المشهد الخامس	الحرب هتخلص إمتى
المشهد السادس	فينك يا شهدي
المشهد السابع (الأخير)	لا فرطنا ولا نعرفش نخون

سر الولد

مارس 2004

تذييل

ثمة خلط مقصود بين البطل الشعبي و البطل التاريخي
لم يكن هذا عن جهل بل هي القصدية في تعدد الشبه بين شخصيات هذا النص
هو البطل الإنساني في أي مكان الذي يؤمن بقضية ما.. ليبدأ المواجهة ..
و من خلفه الجموع / الشعب ليسجل أروع لحظات النصر و تبقى الذكرى في الوجدان..
بطولة- فرصة - زعامة- إستشهاد- عقيدة و ... و ... و ...

أنا و جميعهم مؤمنون بوجهة النظر هذه..

(احفر اسمك في قلب التاريخ و عي قلبك بالحلم عشانهم)

أدهم الشرقاوي

باتريس لومومبا

سيارنكوس

تشي جيفارا

جواد حسني

و يمكن بابلونيرودا... جابر ناظم حكمت حتى روين هود الخواجه

قلب بيرم يا جماعه و حلم النديم... قلب الحمام حران يا خلق... في حالة فوران في قلب

ناجي العلي... سر الولد منهم أن لكل واحد وطن يحلم بيه و يحبه ..

المؤلف

الخصيات

الكورس :	بطولة مطلقة
غانم :	الشر بذات نفسه لغاية يوم الدين
قربي :	(تشومي- بدران- الحارس السجان) ديل الشر و ناب الحية وذراع الغول
الندابات :	أمهات الأبطال في كل مكان في أي عصر
العرافين :	هم أعمال السحر و الشعوذة
الحفار :	شكل الموت وقلب الغنا
الأم :	(هبة - سلمى) و أي روح طاهر يتخاف على الولد في مكان
الولد :	ياسين شبه جيفارا شبه لومومبا شبه سبارتاكوس و قلبه قلب جواد حسني إخوانه غاندي و ناجي العلي و كثير من الكورس الخالق الناطق
	ولد سره جواهرهم يا ناس...

المشهد الأول

البشارة

(المكان يكتسي بالدخان الكثيف- في الوسط كرسي ضخم للعرش
يحتمي به غانم... على اليمين ثلاث من الندابات يجلسن على رحابة
تشبه الساقية تدور بأيدي أطفال صغيرة يقمن الندابات بالتعديد و
البكاء على الوليد المنتظر، على اليسار ثلاث من العرافين يضربون
البخور و أعمال السحر و يحذرون من الغريب المجهول- على الأرض
تنتشر عدة هاجم بشوية)

العرافين :

غالي في عيون الكل.. غصب عنا ها يتولد

ولد له قلب شاعر و السحر ما يصيبه

في عينه الشمال جرة نار و في عينه اليمين عزم و شجاعة

لسه ها يتولد.. مسكون بالوطن.. مهموم بالناس

غانم :

كذب... البشارة كذب و النجم تحريف... عمر الغيب ما إنكشف

لكم و إن كان على الغريب اللي جاي يبقى لازم يموت... لازم يموت

قبل ما يتولد ..

العرافين :

- حاسب يا غانم

- نجمك هينطفئ

- سر الولد جواه... قلبه جرى ما يعرفش يخاف

- مسكون بالوطن... مهموم بالناس

غانم : (فازعاً) بتحذروني منه... ولعوا المناقد... لموا خيوط العنكبوت شبك

لموا جماجم سابع أرض و احفروا لكل المواليد قبور ..

العرافين : - الريح بتعوي

- متعصبين إحنا بديل العقارب

- متحزمين بالتعابين.. هنعزم عليه بالأذي

غانم : اضربوا البخور و الحصى و الجمر.. لازم يموت في عيون الكل... كبار

و صغار... شيوخ و عواجيز... ما تخلوش العرايس تحلم بالولد.. خلّوا

الأرامل تندب عليه ..

الندابات : (غناء يشبه التعديد)

عيني عليك يا الولد

دمع البكا غرق بيوت

نبكي عليك يا الولد

مولود ما بيتنا عشان تموت

العرافين : - حاسب يا غانم

- ده ماسك في إيدته سيف و راكب حصان رهوان

- جاي يرمح عليك

- قلبه جني مسكون بالوطن مهموم بالناس

- نحمك هيغيب نحمك هيغطي

غانم : لأ.. له نبي ولا ملاك ولا ساحر صاحب معجزات ..

العرافين :

- حاسب يا غانم سر الولد جواه
- فاتح دراعاته و ناوي يوفي بوعدده
- نجمك هيغيب نجمك هيطنفي (تكرر ثم تختفي)
- غانم : لا نجمي يختفي لأ ... نجمي لأ.. يبقى لازم يموت مشبوح على شجرة مشنوق في جبل محروق في فرن غاز تندق في جسمه مسامير.. يا قوة النار و الحديد الشبك مفروود و الصيد سهل

الندابات :

- قلي عليك يا الولد
- يا أعز من عيني
- قلي عليك ينده
- زيك ما رأيت عيني
- عز الولاد ولدي
- إمى بقى نجمي
- قلي عليك يزعق
- تبكي عليك عيني
- غانم : لازم يموت.. مشبوح على شجرة.. مشنوق في جبل.. محروق في فر غاز.. تندق في جسمه مسامير.. يبقى لازم يموت ..

الندابات : (تنهض للخروج)

عيني عليك يا الولد

دمع البكا غرق بيوت

نبكي عليك يا الولد

مولود ما بيننا عشان تموت

الحفار :

(يظهر في بؤرة) مليون قبل منه دفنتهم في قلب الرمل ده.. في حضن

الجيل.. تحت التراب بدفن سرهم و ما حدش يتلقى العزاء.. معرفش ليه

كل اللي ما توا شبه بعض... زي ما يكونوا اخوات... نفس الملامح

نفس العيون... القلب جري و الدم بيغلي في العروق ..

غانم :

لازم يموت... مشبوح على شجرة... مشنوق في حبل ..

الحفار :

ريحة الموت بتنده على الغريب... جاي ملهوف حافي القدم و دمه سايل

السكه مقصوصه يا بني... غصب عني جاهز و مستعد لك آخرها حفرة

على قدك ..

غانم :

لازم يموت... محروق في فرن غاز... يندق في جسمه مسامير...

لازم يموت ..

الحفار:

مستنيك من زمان

مش هتسلم و لاتقدر تأخذ حذر

لاني ابتديت في الحفر من زمان

قدرك... نصيبك... لكنه أمر محتم

سرك جواك يا ولدي

هتخطي بقدم.. و تزل تحت

غصب عنك و عني

إسلام

الغولادة

(أفراد الكورس يمسكون بقماش أبيض شفاف و يحيطون الأم التي تعاني آلام المخاض بينما غائم في الجهة الأخرى تحيط به مجموعة من الأشباح (هجوم متحركة) يعاني من كابوس مخيف....)

کورس :

- الدنيا شايلة في بطنها حاجة محوشاها من زمن
- ولد بقلب أخضر عقي و الورش ضحاك
- عيون من كتر اللي فيها واحد من كل ألوان الشمس
- مولوده من روح طاهرة بريئة
- لألسه هيتولد بروح خفيفة حنينه.. مدد.. مدد

الأم :

آآآآآآآآ... ميلت على جنبي اليمين... آآآآ نبض القلق على فرشتي
والطلق في ضهري خد صوتي و تعالى روح يا شقا عمري.. آه

کورس :

- قلبه عصفور و حزنك دافي
 - حاي لوحده عاشق للغنا
 - مليانه كفوفنا بالحنة.. بينك و بينه يا دوب شهقة
- لأ لازم يموت.. مشبوح على شجرة.. مشنوق في حبل

- الأشباح :
- النار مبتشعش حرق
 - و إنني اللي قلبك حاسس بالخوف و البرد
 - شجرك حزين مائل مالوش ضل
 - البحر تحت قدمك ناشف يعني الأرض بور
- غانم :
- لازم يموت محي الجيين.. محروق في فرن غاز.. لازم يموت ..
- الأم :
- أنا حاسه ببيك يا ولدي... لساني إتشق في حلقي و بان الملح.. شفه
تانيه بوجع آه يا ضنايا.. بشتاقلك في عز الوجع يا فرحة قلبي يا اللي
جايب غنوة ووعد الغالي.. آه
- كورس :
- إتعا في يموت الولد
 - سر الولد جواه
 - ما بيعرفش ينكر و لا يقدرش يخون
- غانم :
- ما عاdash في قلبي مطرح ما إتملاش بالسواد.. هصغي دمه و هسلخ
جلده... لازم يموت مصلوب على بابي..
- الأشباح :
- الرمل قال مكتوب عليك القلق وقلة الراحة ..
 - النجم هيختفي لما كشفنا المستحي ..
 - لا هتقدر تتراهن على موت الولد و لا تضمن تشرب دمه يا غانم
- غانم :
- مش لازم ينفلت من تحت باطي و لا يخرج عن طوعي ..

الأشباح :

- مش هيموت مهزوم منك
- قلبك يلهد و الحزن بيعقد سبع عقدات على جبينك ..
- تغضب و تكره و تشمت بس زمك صعب ..
- آه.. يجهدك يا نبي.. أمانه عليك يا زمن حنّ عليا..

الأم :

كورس :

- مش قادرة تمنعه و لا ترجعه
- طالت عليها سنين الحمل الثقيل
- أسمعوا صوته أهو يفرك في عينه يا خلق
- بيتتاوب
- وشه بيضحك
- لأ ده بيعني يا ناس
- بينادي على أمه
- بيتهجها إسمها
- ده بينطق إسمه

الأم :

كورس :

- (صارخة) آه... يا سين يا ولدي
- حاجه كده من ريحة زمان و الحلم القديم
- قلب مليون عشم يجد
- جايب حقيقة عمره معاه
- جاي ملهوف و عينيه مشتاقة علينا

غانم :
 الولد :
 لا لازم يموت.. لازم يموت (يخرج)
 (يظهر) أمي.. من زمان واقف على بابك و مستني.. محضّر نفسي
 للفرحة و جايها معايا.. مشتاق عليكو يا ناس.. مين فيكو هيرقيني من
 عين الحقد و الغيرة و قلب الليل.. قلبي على كفي و دمي مش هيسيل
 غصب عني.. يمكن يموت ناقص عمر.. لكن مش هيري الوطن من
 ذمتي ولا هنسى أهلي ..
 الحفار :
 كل ما أفحت حفرة ألقى سبع ترواح فيها.. ميتين و عينيهم مفتوحة..
 قتيل يمشي لغاية باب قبرة.. خلق ياما جاية لقضاها و ما تعلمش إن
 المستحي صعب و الخفاذي يتنعق عالشجر.. نخل مغروس في الرمل..
 حجر منحوت في الجبل من زمان.. قلب هيندفن من بدري.. مقدرش
 أحوش و لا أبطل فحت ..
 الأم :
 ولدي ياسين.. غنوي و شقايا.. خصيمك النبي لا تفرط و لا تخون و لا
 تنسى أهلك يللى غنوتك فرعت من ضلوعي و دمي و سمعتها قبل
 الناس كلهم.. طمن قلبي يا ضنايا و كمل غناك مهما حصل.. حاسب
 من كلاب الليل.. حاب من ريح الطريق ..

الأشباح :

(يقافزون) قلنالك يا غام

- طيرك مجروح و غرابك يبحل بالمستحي..
- الولد مسكون بالوطن مهموم بالناس و أنت نجمك هينطفي..
- الولد مش هيموت مهزوم منك..
- و إنت مش هتقدر تشرب من دمه عشان زمنك صعب ..
- قلنالك يا غام.. الولد مش هيموت مهزوم (يكروون)

إسلام

المشهد الثالث

العقد

(على اليمين يجلس قرني على العرش بيده كرواج- يدخل أفراد الكورس مسلسلين و يركعون تحت قدميه بجوار القلب الضخم جهة اليسار تنه يرمي في انتظار و قلق- في أعلى المسرح ..

يعمل الخفار في صمت)

(غناء) يا بمية و صدقينا يا عيني

كورس

مين يشهد لينا مين

سخرة و ذل و مهانه يا عيني

و إيدينا مسلسلين

(ضاحكاً) مهواش نبي نازل بكتاب عشان يكفرنا.. الضرب هيكون في

غانم :

المليان.. و ما حدش هيتحرك فيكم ..

(غناء) يا بمية و صدقينا يا عيني

كورس

مين يشهد لينا مين ..

دحنا اللي دقنا الخيانة يا عيني

في قلوبنا السكاكين ..

(بولاء شديد) مولاي و تاج راسي غانم مكلفني بقتله يعني مش لازم

قرني :

يقلت من الموت.. ياسين هيفرق في دمه..

و هيتخاف منه الحكيم (يضحك هستيرية)

كورس : - يعني ياسين بقى دمه حلال

- طير جارج هيخطف قلب الحمام
- سلامتك يا ولد .. ده كان فين مستنحي
- يا هبة ليكي ألف حق.. تتهمينا بقله الحيلة
- طب ليه ما يموتش موة ربنا.. يعني هيه كتير عليك
- آه يا ولد .. رحمه و نور عليك قبل ما تموت و ألف لعنه علينا
- الكفن جاهز و متحضر يعني عمره قصير .. الشبك مفروود للصيد السهل
- حاسب يا بن عمي الليل ده قادر و أنا خايقة عليك
- (يظهر) جاي أرمي نفسي في حضنك ها تقبليني يا هبة
- كنت عارفة إنك جاي لكن من خوفي غمضت عيني
- ياسين: وعدتك إني جاي
- هبة: صدقتك
- ياسين: لسه المشوار ها بيتدي
- هبة: القلق دخلي من غير ما يستأذن
- ياسين: الرجوع مش وقته
- هبة: نبض قلبي زي عروق الشجر بيشيخ و يعجز
- ياسين: سمحيني يا هبة ده عهد مقدرش أخالف
- هبة: جهزت نفسي للفرحو ليست توب أبيض بلون قلبك
- ياسين: لسه بدري.. في حاجة أهم من توب الفرع

بهية : مستنيك بقالي ستين.. ده حقى
 ياسين : طب و حق الغلابة.. أهلى و أهلك
 بهية : حاسه إنك مش ليا .. و جرحي هيزيد
 ياسين : الجرح فينا من زمن خليني أظهر الجرح بالنار يا بهية
 بهية : النار متحرق قلبي عليك
 ياسين : قدرى و نصيبي و عهد خدته على نفسي
 بهية : الطريق صعب و إنت قلبك رهيف
 ياسين : إدعيلي و غني بكل شوق
 بهية : هدعيلك
 ياسين : ساعتها الخطوة هتسبق و تسابق و القدم يطبع علامة على الطريق
 الحفار : غصب عنه .. أو بكيفه مش مهم ..
 جاي متكفف أو جاي يرمح .. مش مهم .. عاشق للمطرح أو كاره
 شكله مش مهم .. هيركع قدامى و أنا مش يحظري و غصب عني
 هضرب بجزمتي سلام للموت (تحية عسكرية)
 بهية : قلبي مقبوض
 ياسين : قلب الوطن هيسيع الكل
 بهية : قلب الوطن قاسى زي ليل الزمن
 ياسين : أنا واحد من الناس اللى شارين نبضه و متقدرش تتخلى
 بهية : مين هيشهدلك لما تموت شهيد

ياسين : إنتي .. بس متهمليش مطر حرك
 بهية : مش هقدر أتحمّل وحدي
 ياسين : ناس بتسلم غيرها طرف الخيط
 بهية : خيفة نموت غريب
 ياسين : ما تخافيش.. ده عهد يا بهية
 الكورس : - احبسي دمعك يا بهية
 - متعيطيش على فراق ياسين
 - عين الوطن أحق بالبكا على الولد
 - الولد اللي خد العهد من يوم ما إتولد على إيدنا
 - خليه يتزلو بفك جبال الضيقه
 - خليه يتزل و يأخذ حقه و حقنا من الدنيا كلها
 - لسه مفرحناش بمجد معاه
 بهية : خايفه عليه يا ناس
 ياسين : متخافيش... إدعيلي و غني بشوق (مختفي)
 بهية : هدعيلك تسلم من كل شر .. أغنيك
 يا حمام شرق و غرب يا حمام يا حمام
 يا حمام إرعلك تقرب يا حمام يا حمام
 يا حمام إبعد و هاجر الليل ده قاذر يا حمام يا حمام
 (تركع أمام القلب الضعيف الجسم بلون الدم)

الحفار : تراب معجون بدم .. دم سايح على الهدوم .. الأسفلت بقى طين .. و
الدم بيعجن الرمل تحت الشمس قتل ماشي لغاية باب قبره .. عضم
عارف متواه .. رايح فين بالظبط يا ولدي .. عمر قصير يا ياسين مش
يخطر .. كاره شكلي ولا عاشق للمطرح معرفش ..
هستمر في الفحت ..
قروي : طير و هج على كيفك مقدرتش تطاطي للريح يبقى ساعة اللزوم تحت
المقصلة برضه هنوطي على حبل المشنقة (ضاحكاً) ياسين قتل الوطن و
لا حدش هيحضر عزالك من أهل البلد ..
غانم : (يدخل مندفعاً) مش لازم يهرب .. مش لازم يخرج بره طوعي ..
ياسين حظه غي .. كرباج في إيدي يفتت الحجر ..
قروي : أمرك يا مولانا شمس ياسين هتغيب و نحمك هيصعد ..
غانم : عايز دمه يسبح .. تسع رصاصات في صدره تبيه في مقتل مش لازم يفر
بجلده .. شدوا الشبك على الآخر .. افردوه على الأرض مصيده ..
ياسين و اللي زيه لازم يموت ..
قروي : (يؤدي التحية العسكرية) تمام يا أفندم
غانم : الولد المسكون بالوطن يبقى إيه ؟
قروي : مشاغب يا أفندم
غانم : الولد المهموم بالناس يبقى إيه ؟
قروي : متمرد يا أفندم

غانم : الولد اللي بمسك السيف و يحاربني يبقى إيه ؟
قرني : قتيل ودمه سايح .. مشبوح على شجرة .. محروق في فرن غاز ..
غانم : ليه بتحارب في جيشي ؟
قرني : بالأمر
غانم : ليه بتموت عشائي ؟
قرني : بالأمر
غانم : ليه متقدرش تعترض ؟
قرني : بالأمر
غانم : ليه بتحرسني ... ؟
قرني : بالأمر
غانم : الحرس مداسي .. جزم أدوس بيها على أي حد ..
(تتوتر درجة - تسقط مجموعة بيادات عسكرية فوق رؤوس الأفراد في
حين يصعد غانم كرسي العرش (السلطة) و بجواره قرني يتملقه
بالتحية العسكرية و الحفار مستمراً بالحفر)

إِطْلَاف

المشهد الرابع

القضية

(إضاءة على الجانب- في الخلفية تظهر خريطة لقارة أفريقيا و بقعة دم
تغطي مساحة دولة الكونغو - أفراد الكورس يحيطون بالبطل -
الأفريقي لومومبا - بينما يجلس الندابات في أعلى المسرح ملابس
الحداد)

الكورس :

- و عشقنا فيك ثورة الغضب
- إتعلمنا منك كيف تتحمل الشقا
- لومومبا يا بن هذا الوطن شعب الكونغو أمانه في رقبته
- حاسب من غاتم و اللي زيه ما بيعرفوش يعني إيه معنى الوطن ..
- لومومبا : حقك و حقى لا هيحطفه غاتم و لا غيره .. متخافوش .. متخافوش من
- عيونه الميتين و لا غربة الليل .. القضية إنك تحس بالنار في بطن الناس
- الشغيلة الفلاحين و العمال في العنابر من غير ما تخاف من جرحهم ..

الكورس :

- عشقك المجنون بيحفر في قلب التاريخ إسمك
- مين علمك الرقة و الصدق و اللهفة زي العيال الصغيرين
- خلعت قلوبنا اتعودت على إشييل يا لومومبا
- حزن الأهالى و تعب السنين
- بس حاسب من الخيانة

لوموميا : ميهنيش .. غير الخطاوي المضمومين في بعض و إحنا بنعدي الطريق

القضية إنك تحس بذاتك من غير ما تسرق حق غيرك .. القضية يا
جماعة حرية بلدنا .. صدقوني

الكورس :

- شاييلينك جراح و رمز كبير جؤانا

- مولود ما بيننا عشان تموت و كأنك نبي

- لحم و دم و عضم و ملايكة و لا مناضل عنيد راسه ناشفه

- قتل على كثافنا و اتسند مكتوب عليك تمشي نص الطريق

- تتحدى السنين بسدرك العريان

- مش هتموت من أول طلقه على يد تشومي أو غانم

(يسقط لوموميا بينهم و يختفي)

(على الجانب الأيمن يظهر غانم و تابعه خلفهما الكرسي - يتحرك

أفراد الكورس نحو غانم الذي يبدو مروعجا في حالة هستيرية)

زنجي.. عبد أفريقي .. كان نفسه يعمل بطل .. لوموميا ده غبي ..

غانم :

صنف ما بيطلش صراخ و زعيق و كلام فارغ .. مجرد شعارات

بيضحكوا بيها على الشعوب.. مش كده يا تشومي

(قوي) طبعاً يا مستر غانم .. إظمن .. النهاية قربت .

تشومي :

المفروض إنه ميت من زمان .. لسه فاهم غلط .. معرفش مين اللي

غانم :

ضحك عليه و خلاه يعاديني .. سمم بلدنه و مسح دماغه

تسع رصاصات في صدره من خرطوشة صيد مش هتهد الدنيا

تشومي :

- غانم : محدش يحس به لأنه حضوره زي عدمه .
- تشومي : يستاهل .. خدمه الناس / الشعب / الأهالي / آخرتها يا شفق يا حبس في زنزانه يا موت بالرصاص .
- غانم : الحكم صدر من سنين ... إنت مكلف بالتنفيذ
- تشومي : (تحية عسكرية) تمام يا فندم .. بالأمر (يخرج)
- الندابات : (غناء) صرخ النهار عليك يا الولد
- الليل ده جاهل و لا قاصد قهر
- في القلب نار عليك يا الولد
- و عيون بتكي على اللي دافع مهر
- إبكي يا عين قد ما تكي بدمعك فخر
- الكورس : (يتجهون نحو غانم)
- هيفضل بطل
 - غنى لحن الثورة لبلاده من غير ما يخاف
 - صياد طلع يصطاد صادوه بفعل الخيانة
 - هنتقل كل اللي زيه .. لأنه سفاح و كذاب
- غانم :
- الكورس :
- غيره هوه اللي خاين و جبان
 - تاريخ العالم كله مش هينكر دمه اللي كتب به إسم الوطن
 - مكش هيتباهي بنيشان على صدره
 - حب العالم مش هتخلي عنها

غانم :

مين اللى حط الوهم ده قدام عينيه .. كان فاهم غلط

الكورس :

- قلع وش الخوف

- غنى بقلب جامد

- كان شهيم و جرئ و هتشهد على إنه فارس نزل الميدان

- الميدان هوه الوطن و الوطن أكبر ميدان

غانم :

كان راكب حصان من خشب واقف مكانه مبيتحركش و الزمن داير و

السنين بتجري يبقى لازم جموعه عشان نجم يصعد مش يغيب

الكورس :

- هنعيد و نكرر .. إذا مات الولد

- في ألف زيه بيتولد كل يوم في كل حته في أي وطن

- طول ما في روح بتحب الشعب و بتعشق وطن على سطح الأرض

- هيطلع ولد يكمل نص الطريق الثاني

- إذا الولد مات في ألف زيه كل يوم (يكورون)

(غناء)

الندابات :

صعب يا عيني تصدقي صعب عليكى تفرقي

خبي الوش يا دمعته حزينه لبيان حزني و بملا مدينه

إبكي يا عيني و تحققي صعب عليكى تصدقي

يا قلوب حزينه بتراهن شمال و يمين ..

السكه صعبه و مش باين أولها مين ؟!

آه يا غريب يا زمن

إنت المي بتدفع التمن

القلب مات قبل البدن

تشهد علينا الحكاية

•

إطلام

المشهد الخامس

المزج

(مغارة جبلية تشبه الكهف القديم.. على اليمين عين كبيرة جاحظة
ترقب و ترصد يقف بجوارها بدران (قرني) بينما على اليسار بعض
الصخور و شبكة عنكبوتية تتدلى من أعلى الجبل ... إضاءة خافتة-
يقف أدهم و حيداً ..

أما بعض أفراد الكورس ينتشرون داخل المكان)

الكورس :

- عملي إيه يا حكومه لما إنتقل عمي
- يا حكومه لينا حق عندك و كلنا بنشتهي العدل
- يا حكومه اللي عايزي يجيني في الجبل بره البلد
- كلمه و قالها أدهم و خلف بحق النار و النار في قلبه الحديد لسه
واله ..
- ما يهدا له بال و لا ينام له جفن و لا يعرف طعم الراحة غير لما
يأخذ حق الغلابه ..
- غير لما يترع بيده بيده المتشققه آهة المقهور و يبل ريق الشقيان في
الغيظ ..
- ولد عنيد رأسه ناشفه .. يحميك يا ولد من فعل النجاس
- مغيرتش جلدك و لا وطيت عشان الريح و هادنت حاكم من
الحكام ..

- سبع كاسر ما يهيمه في الحق حد
- حكومه و باش أغا و أعوان و قفولة الضد للضد ..
- أدهم : (وحيداً بجوار بجوار الشبكة العنكبوتية)
- ياااااااااا .. مشوارك يا دنيا لسه طويل .. كيف الواحد قضاه من غير ما يحس .. معقولة يا زمن بتفر عايز تسبقني و الله متهيألى إنها قربت قوي و بانت ليها علامة.. مش بيقولوا لو الليل عيل يبقى أبوه صبح و هانت يا سلمى و هانت يا خلق هيغور الهم و يساع المطرح كل عيالك ..
- بدران : الطريق ده مالوش نهاية .. كل يوم واحد يموت معنا و بين إيدنا و إحنا عاجزين عن حمايته .. لا قادرين نتحرك و لا نحرك حد ..
- كورس : - إذا ما كنتش قادر تعيش معنا يا بدران إنزل و ما ترجعش ..
- ما حدثش فينا جاي غصب عنه لو الخوف دخل قلوبنا مش هنكمل ..
- إحنا بنفس القوة و حافظين العهد مش لازم نضعف .. دي رسالة ..
- بدران : كفايا السنين اللى فاتت علينا زي القطر من غير ما نحس بيها.. الواحد فينا بلاد تشيله و بلاد تحطه شابل فوق كتفه هم تقيل هم العالم بحاله ..
- أدهم : ده قدرنا يا صاحبي و رفيق مشواري
- بدران : زهقت يا أخي
- أدهم : و يخونك العيش و الملح .. يخونك حلم الناس الطيبين
- بدران : الناس الناس الناس ... أفني ناس اللى بتتكلم عليهم ..
- أدهم : أهلى و أهلك ... الناس اللى قلوبهم معنا ..

بدران : (متكلماً) الناس اللي جيلهم بالنوم .. و اللي صاحي منهم لسانه ثقيل

الناس اللي مش دريانه باللى بنعمله عشانهم ..

الكورس : - مسألتش نفسك مين اللي يسرق ضحكتهم في عز النهار

- مين اللي حط الغمامة على عينيهم مين اللي وصلهم للحالة دي ؟؟

- الخوف من غاتم و اللي زيه لازم ندقنه هنا في الجبل

- الكلب اللي هناك ده مجرد غر من ورق صدقي يا بدران

بدران : الكرباج و الرصاص أقوى يا صاحي

أدهم : بلاد بحالها يزحف عليها الجوع .. دم الشوارع لسه ما نشفش ومدايح

الفقر في كل مكان .. كل واحد مننا لافف علي صدره علم بلاده و..

بيغني بصوت الناس ..

بدران : (للكورس) حد يفهمني منكم ليه عتمة الجبل بتصيننا بالعمى .. في

الصيف النار بتاكل جسمنا .. في البرد الروماتيزم بيشل صوابنا .. مين

هيديني حقي بعد ما نموت ..

أدهم : الناس

بدران : ثاني

الكورس : - ثاني وتالت يا بدران

- لما نخس في الطريق بالوحله

- و المساحه تضيق و يقل المشا عليها

- يبقى لازم نبتدي المشوار من أول و جديد

- طريقنا يتندي من أول وجع الناس و ينتهي بغنوة عشاقهم
- لما كل البيوت تتزاحم بالميتين زي الجبانات
- لما يطول الحلم يبقى لازم نتندي
- لجل الفرحة اللي غابت و إنحرمنا منها
- بدوان : (صارخاً) في كل مكان تتعلق مشانق و تموت شهدا .. تسع رصاصات في صدر أي واحد فينا مش هتتهد غصب عن عينينا هنوطي نلحس رمل الطريق .. تراب جزمته و حل الزمن ملعون كل المدن و ناسها ملعون أبو الوطن (يركع منهاراً أمام العين الكبيرة الجاحظة في جهة اليمين)
- كورس : - غلطان يا صاحبي و قلبك ضعيف
- يا خسارة الرجال لما تبيع شرف الرجولة بأرخص تمن
- خايف على نفسك من غانم خايف تحب بجد
- (أفراد الكورس يتفرقون في مقدمة المسرح و كأنهم يحرسون المكان)
- سلمى : (تدخل من بوابة الكهف) جيتك يا أدهم يا أعز الحبايب
- أدهم : كنت مستنيكي يا زينة الصبايا .. كنت قلقان عليك يا سلمى
- سلمى : قلبي عمران بالشوق واللهفه بس كان خايف مش مطمئن
- أدهم : إطمني يا زينة العرايس لسه القلب عفى و الدم يغلى في العروق
- سلمى : و الرفاق .. ؟
- أدهم : قد الشدايد على العهد باقين يا سلمى.. ما تخافيش
- سلمى : يحميك من كل شر تسلم من كل أذي و اللي يخونك منه لله

بدران : (يتلصص و يبلغ غانم) آلو .. أيوه يا أفندم حط الفيش و صل السلك
سامعي أدهم و رفاقه في المغارة هنا في حضن الجبل .. لسه عزمهم
شد يد و قصدهم يا الموت يا الشهادة يعني مش خافين ..
شيل الفيش .. إنتهى

سلمى : العسكر في كل مكان يا أدهم واقفين زغار على البيوت نزلو السوق
سدوا عين الشمس و منعوا الطريق للرايح و اللي جاي ..

أدهم : نفسي أزيح عنك المهانه و أمسح آهة الوجع من قلبك العشيق ..

سلمى : قلبي مش مطمئن زي ميكون في طير بيحوم حوالين راسي ..

أدهم : جوه عينيكي زحمة كلام تايه .. متخافيش .. كل شئ مقدر و مكتوب ..

بدران : سدري هيفرتك من الغيظ يا أفندم .. آلو سامعي .. أدهم لسه قادر
متعافي بصحابه حتى القلب اللي حبيته .. سلمى ست الصبايا خدها مني
لازم يركع تحت رجلك .. لازم يوطي يلحس التراب .. لازم تلحقوني
بقوة كبيرة تحاوط الجبل .. آلو سامعي يا أفندم ..

غانم : (صوت) إظمن يا بدران كل صيد و له صياد .. مادام الشبك مفروود
على الآخر يبقى الباقي سهل .. إنت عملت اللي عليك .. إنتهى ..

بدران : (في فرح شديد) حقي و هأخذوا منك يا أدهم .. طول عمري رابط
رجلي معاك .. خطوتي ورا خطوتك .. كان لازم أتعلم المشي لوحدي
حتى لو رقبك جت تحت رجلي ..

غانم : (يظهر شاهراً سلاحه و يتخذ سلّقى رهينة) قتللك يا أدهم .. مسيرك
تركع تحت رجليا .. الجبل تمويطه و الهروب تاني مستحيل .. الفخ كان
منصوب و ما يكونك غير صاحبك (يشير إلى بدران) و اللى يحميني
منك عسكر و هجانه تسد عين الشمس ضد قاطع طريق زيك ..
(يتجه أفراد الكورس نحو بدران يحيطون به في حلقة صغيرة بينما يبدو
أدهم مصلوباً في الشبك جهة اليسار في دهشة لا يرد)

الكورس : - قلبك مسكون بالشيطان و الغش

- من أنمي طيننه إتولدت

- في حضن مين رضعت لبن الخيانة

سلمى : (من بعيد) كان صاحب عمرك و رفيق سكه

بدران : مكش ليا قيمه معاه .. تعالى يا بدران ييجي روح يا بدران يروح

بدران حتى إنتي كنت رايدك و ما كان ينفعك غيري لكن

خدك غصب عني ..

سلمى : هو إختارك و إنت إختليت بدري .. وقتت تنفرج عليه و الشبك مفروود

له مصيده .. خاين

الكورس : - العيب عليه كان واجب يكون حريض

- فعل الخيانة مر و جرحك يا أدهم ممر

- كان المشهد رهيب و صعبه وقفاته

- راح الولد من حرقة ومن سكاته

بلوان :

ما كانتش وزه شيطان و لا فعل مش مقصود .. كنت بالتحقق من صوته
عنيه كانت بتهزني و يرتجف قلبي .. كنت بحس بقلة حيلتي مين كان
يقدر يحوش عني .. يفلتني منه يسحبني من تحت باطله يخلصني من أسره
كان لازم بحس بقهري و غيظي منه .. هناك في السجن لوحده يمكن
بحس بالضعف و قلة الحيله لما يشوف شكل الموت و يتزل قبره برجليه
قتيل و دمه هيسبح مشبوح على شجرة .. أو محروق في فرن غاز بالأمر
(يؤدي التحية العسكرية)

••
إظـلا

المشهد السادس

السجن

(زنزانة سجن كئيبة - جدران متآكلة باب خشبي بقضبان حديدية
- أفراد الكورس (مساجين) و معهم غاندي - ناجي العلي - بينما
الولد (جيفارا) يجلس وحيداً مزوياً في آخر الزنزانة - توجد بعض
الصخور الصغيرة - بعض الإكسسوارات البسيطة (صفيحة - أطباق
بطاطين - قلة فخارية) ..

لوحه لم تكتمل يعد من رسم الفنان ناجي العلي)

ناجي العلي :

(يعني في ياس)

ع اليادي اليادي اليادي	أعطيني باروده
بالروح نفتدي بلادي	و هادي يدي ممدوده
بلكي عليكي يا يمي	خوتي شهدا في دير يا سين
يمي لا تبكي يمي	بكره نرجع لفلسطين
ع الادمس و يافا و رام الله	خدي يا با عبلادي
ع اليادي اليادي السيادي	رجعني يابا لبلادي

سجين (١):

حزنك يا ناجي العلي يكفي العالم كله

سجين (٢):

جرحك يوجعنا و القلب معدش متحمل و جمع

سجين (٣):

الحزن واحد و الجرح و كفانه حزن و تعديد

سجين (٤):

إيه اللي فاضل تاني عشان الموال يصير غنوة

ناجي العلى : (فازعاً) الله يقطع الغربة الله بيأخذ لانكليز الله يقطع الموساد و كل

أجهزة المخابرات الله بيأخذ العرب جميعهن الله بيأخذ الدنيا بحالها

سجين (١): لسه المشوار ما إنتهش يا ناجي

سجين (٢): إنت فنان و قضية شعبك لسه ما خلصتش

سجين (٣): تقدر تكمل اللوحه و تفك يد حنظلة

ناجي العلى : كيف يبصير هادا حالى و حالكم و قلبي جمره ما تنطفئ ليل و لا نهار

سجين (٤): السجن مش نهاية و لا المشوار هيخلص مننا دلوقت

سجين (٥): في ناس بره الحيطان ديه حاسه بيئا .. إظمن يا بطل

ناجي العلى : بالله عليك هادي فدائية هادا نضال شي نسوي و إحنا مكتوفين بين

الحيطان و قضبان الحديد ..

سجين (١): كل واحد فينا ما يقدرش يخون

سجين (٢): كل واحد فينا واحد العهد و رب الكون يشهد

سجين (٣): القصد و النية عدل يعني غنوة لكل الناس

سجين (٤): حب العالم مش قمة و لا خطية تتبرئ منها

سجين (٥): كل واحد فينا قد جيش نقدر نغير شعب بحاله

ناجي العلى : يعلم الله حاسس إني ميت من زمان و هادا النفس كذب ..

سجين (١): خللي عزمك شديد

سجين (٢): حسك عينك تنهزم

ناجي العلى : (بتهمكم) الله بمسيكم بالخير و العافية يا نشامه

- سجين (٣): لسه ما جاش الوقت... لسه الوقت براح
- سجين (٤): إنت ليه مستعجل
- سجين (٥): لحن الثورة لازم يتغني فوري يا فنان
- ناجي العلى : وين الروح يا نشامه .. هادي اللوحه ما خلصت .. هادا الليل ما بيخلص .. هادي الحيطان ما بتسمع و لا بترد .. هادي الألوان نشفت هادا الواقف متكفف ما يريد ينحل وين الروح يا جيفارا !!!
- جيفارا : (يتقدم نحوه) مفيش محارب ما يكونش نفسه طويل
- ناجي : رسمت خط البداية بيدي و مسحت خط الرجعه
- جيفارا : تبقى مش مستاهله منك تقصد تصعب السهله يا ناجي العلى
- ناجي : هادا زمان ملاوع يغني تعبنا .. هادا زمن يريد يغافلنا و يهرب
- جيفارا : لالواحد فينا بيفتح جرحه عشان يغني لغيره
- سجين (١): صدقنا يا ناجي .. لو حلمك مات هنشارك في دفتنه
- سجين (٢): مش لازم نتقبل العزا
- سجين (٣): عشان نقدر تأخد بالتار
- ناجي : حاسس إن بلادنا مغصوب على ناسها ..
- سجين (٤): بس هتفضل نجاهر بالسر اللي جوانا ..
- سجين (٥): الولد فينا و لسه هيتولد غصب عن عين الزمن نفسه
- جيفارا : مشوارنا ممكن يكون أطول من عمرنا بس حد غيرنا هيكمل .. إنطق يا غاندي ..

غاندي : لو يملك الواحد منا حياته كلها كان وهبها من جديد لنفس الحلم
القديم .. لنكليس ييمصوا دم شعبي .. سخره و مهانه و إحتلال و الناس
عندنا بين شق الرحي .. لكن هتفضل قضيتنا قدام العالم كله مهما كان
الطوفان ..

ناجي : الأطفال بتشرب غصب عنها دموع .. هادا مو عدل .. هادا زمان
متسلط عليهم وعلينا شي نسوي يا حوري (متهكماً) يا الله عليكم الله
يمسيكم بالخير و يمسيهم بالعافية ..

سجين (١) : مشائق دنشواي زي مشائق الهند

سجين (٢) : زهران زي غاندي زي معني الحلم في قلب جيفارا

سجين (٣) : فارس الفرسان جيفارا زي المهاتما غاندي رمز الثورة

سجين (٤) : كل واحد فينا بيغني على طريقته على و جمع شعبه من غير ما يخاف

سجين (٥) : قلبك مبعكها علينا و جرحك صعب عليك لو هتشيله لوحذك يا ناجي

ناجي : كل الوحوش طلقت دياها علينا

جيفارا : عمرك شفت ديب حنين

ناجي : طب ليش حاسس إن دمعي بيطرف عيني .. ليش حاسس إن حملنا ثقيل

على كتف الوطن؟! ما حدن ما فينا قصر و لا خان شعبه لكن وين

الشعب نفسه وين حكومات العالم وين الرجال الأشاوس و نحن هنا في

السجن محبوسين يا خلق مين يرد علينا...

مين يحس بغربتي و غربة أهلي في الخيام!؟

- سجين (١) : مللم صوتك .. قلبك حي
- سجين (٢) : فك حبال و إنده عليه هيسمعلك
- سجين (٣) : إرسم حجر و إكتب قصيده و غني للوطن
- سجين (٤) : خد الروح ميني
- سجين (٥) : خلّي كتفك في كتفي
- جيفارا : مللم صوتك يا بطل .. قلبك لسه حي
- غاندي : إنحت في الحجر و إكتب قصيده بالدم و غني للوطن بشوق
- (تصاعد الأصوات و تتداخل - يزداد حماس ناجي العلي يحاول إستكمال رسم اللوحة)
- الحارس : (قرني) .. يدخل فجأة) إنتباه يا مشاغبين يا سفاحين يا مصدر الإزعاج صوتكم جايب لآخر الدنيا .. زعيق و معيق و دوشه و كلام فاضي .. ده سجن مش مكلمانه و محطة إذاعه يا أخويا منك له ..
- جيفارا : (لنفسه) مفيش محارب ميكونش نفسه طويل
- ناجي : (و هو يرسم) رسمت خط البداية بيدي و مسحت خط الرجعه
- غاندي : هتفضل قضيتنا قدام العالم كله مهما كان الطوفان شكل الخواجه لنكليزي ..
- المساجين : (الكورس .. لا يهتمون به يغنون أغنية ناجي العلي بصوت خافت)
- الحارس : كل واحد فيكم مذنب (يدور حولهم) و متهم و شيوعي و سفاح و .. قاطع طريق كمان و كل ده إجرام .. كل واحد فيكم له تهمة تودي

المشقة ثلاث مرات قبل النفخ و بعده .. أكبر تمه هيه تحريض على
الفتنة و إخلال بالنظام و الظبط و الربط .. يعني تهديد للأمن القومي ..
ده مخالف للقانون في أي دولة فهمتوا ولا نقول ثاني ياللى ما عندكوش
ذكاه و مفهومية ..

جيفارا : ممكن أموت في أي حته غابه أو سجن أو منفى لكن مش هركع لو
علقوني في المشقة ..

ناجي : هرسم بقلم من نار على هادي الحيطان .. هرسم بالدم علم فلسطين

غاندي : لو ضهر الطريق ينحني لو يحسوي في سجن هطلع فوق الجبل و أزق
على شعب الهند ..

المساجين : (مازالوا لا يهتمون بالحارس و يغنون أغنية ناجي العلي بصوت
متصاعد)

الحارس : (لأفراد الكورس) هااااا إنتباه يا غجر يا محاييس .. إمتنع الكلام و الغنا

يا مساجين يا مشاغين يا رد السجون و المعتقلات .. مين فيكم إسمه

عبد الله النديم (يلور حوهم) فين شيخ المنصر ورئيس العصابه اللى إسمه

عمر المختار فين الواد الشاعر بتاع أسبانيا اللى إسمه لوركا بتاع الرقصو

الهنك و الرنك الشهير بإسم بلبل .. فوت قدامي منك له .. مطلوبين

للتحقيق فوراً .. إنتبأااااا .. ثابت جميع المتمردين اللبظ .. كله بالأمر .

إطـلا

(منذ بداية المشهد تتوتر درجات الإضاءة .. في الوسط يجلس غانم فوق كرسي العرش في إرتياح شديد في الجانب الأيمن يجلس الندابات تحت جذع شجرة خريفية و قد حضرن الكفن للولد .. مجموعة حراب و أسهم حربية و بعض أعلام شارة الموت علقت في الجانب الأيسر من المسرح .. في المقدمة أمام الجمهور يعمل الحفار بشكل آلي في صمت شديد)

غانم : ولد غي .. حظه غي .. عمره قصر .. عيوني في كل مكان بتحاوطه و تدلنا عليه مهما حاول يختفي .. ولد غي ييموت عشاني مش عشان وطنه مش كده يا قربي..!!

قربي : (من جهة اليسار بولاء شديد) طبعاً و اللى بيكي عليه لازم يموت زيه

غانم : يلبس روح من أي حته .. يخلع وش في كل مكان .. يهرب قد ما يهرب يغيب في الرحمة لبعيد برضه وراه ..

قربي : عارف متواه .. الرمل الميري .. هناك في حضن أي جبل ..

غانم : محروق في فرن غاز مشبوح على شجرة مشنوق في جبل .. مضروب

بالرصاص تسع طلقات .. المهم إنه هيموت ..

قربي : اللى يشوفه يتحسر و اللى بيكي عليه يموت زيه .. إحنا اللى بنكتب

التاريخ على كيفنا ..

تعددي عليه سنين زي القطر تفرمه .. و الناس ينسوه
 يبقى يموت مهما كان اسمه .. ياسين / لومومبا / أدهم / جيفارا : غانم :
 سفاح بسبع ترواح : قروي :
 غلط يا قروي تخلق منه أسطورة .. إنت تقدر تفرمه بمنتهى السهولة تقدر : غانم :
 تخليه يزحف على بطنه و يجي راكع قدامي هنا ..
 مقدرش .. سبارتكوس بقلب عفي : قروي :
 هنتول شرف سفك دمه : غانم :
 مقدرش .. سبارتكوس بقلب عفي : قروي :
 خايف تموت : غانم :
 مقدرش .. سبارتكوس بقلب عفي : قروي :
 لازم تزل قبالة في الحليه .. بطل قدام سفاح و خاين : غانم :
 مقدرش سبارتكوس بقلب عفي : قروي :
 (يعطيه سهماً حريباً) لو مات يبقى يستاهل لأنه كذاب و جبان : غانم :
 خايف أموت : قروي :
 لازم هو اللي يموت .. صياد طلع يصطاد و الصيد سهل (كأنه يهتف : غانم :
 للحرب) طفوا النور .. طفوا النور .. إحنا في حالة حرب .. إقفلوا
 الجامعات و المدارس و المصانع و الأسواق لازم حركة الحياة تقف لغاية
 ما تنتهي الحرب .. سدوا الشوارع طفوا النور بالأمر إحنا في حالة
 حرب .. دقوا طبول الحرب ..

(تدق طبول الحرب يظهر الولد البطل (سيارتكوس) محرر العبيد و...
من بعده تتدافع أفراد الكورس لتكوين حلبة مصارعة رومانية و...
يرتدون ملابس رومانية يمثلون الأهالي ليبدأ الزال)
(أصوات هامونج .. ترنيمة طويلة للنحزن .. يحضرن الكفن للولد)
(الأهالي يشجعون سيارتكوس الذي يأخذ منهم القوة في لحظات
الضعف)

الندابات :

الكورس :

- حاسب من الليل .. هالاه هالاه

- حل صوتك و إكسر ناب الحية

- دم الحمام غنوة .. جمد قلبك .. هالاه هالاه

(يتشابك كل منهم بالأيدي و يبدأ الزال بالأسهم و الحراب)

سيارتكوس : كلب في إيد سيده عشان حنة عضمه

قرني : عارف مصيرك دي نمائتك

سيارتكوس : كنت ديل الشر و ناب الحية و ذراع الغول

قرني : إنت اللي قلبك مش عفي .. قلبك رقيق زي الحمام يعني تستاهل الموت

سيارتكوس : ده الحمام فنوه

قرني : غضب عنك هتوطي و تركع قدامه

الكورس : - هالاه .. هالاه ... هالاه هالاه

- إوعى تخاف .. دم الحمام غنوة

- إقطع ديل الشر .. شل ذراع الغول ... هالاه هالاه

- خطي بقدم .. قلبك نار .. دمه حلال
سيارتكوس : قلبك مسكون بالشیطان
قري : قلبك محزون بالكذب على ناس ما يستاهلوش
سيارتكوس : بحب الناس
قري : عارف .. بس لازم تموت
سيارتكوس : بتكرهني عشانه
قري : كرهته وكرهتك و كرهت نفسي
سيارتكوس : تقدر تطهر روحك
قري : فات الوقت
الكورس : - دم الحمام مش خطية .. دم الشهيد فدوة
- هز المكان ترتيل .. غنوة لكل البشر .. هاهاه .. هاهاه
- دم الحمام قوة ... طعنه في قلبه يموت
- هاهاه هاهاه .. هاهاه هاهاه .. هاهاه هاهاه
سيارتكوس : لازم تخلص من سحره
قري : لازم تموت بيدي
سيارتكوس : (يطعنه) متقدرش .. عشان دم الحمام غنوة
قري : (جرىحا) آآه .. قلب الحمام أقوى .. كان نفسي قلبي يبقى جامد
زيك .. كان نفسي أقف قبالك لكن ما قدرتش .. ما قدرتش عليه و..
لا قدرت عليك .. كان قلبي عني .. لا الجنة و لا النار فيهم مكان

يتسكن .. كان نفسي أسكن في قلب أي وطن زيك لكن ما قدرتش
.. ملعون الفقير لو يموت عشان سيده .. ملعون اللي يخون صاحبه و ما
يقبضش أي ثمن زبي ..

(ينهار و يسقط قتيلا .. بينما يهوي الحفار جانباً)

الكورس :

- (في فرح شديد) قلب الحمام غنوة

- قلب الحمام أقوى من ناب الحية

- قلب الحمام أقوى من ذراع الغول

- قلب الحمام أطهر من قلب اللي يخون

غانم :

(صارخاً ممسكاً بالرمح) لأ ... دم الحمام خر حلال .. كان غي زيك

(مشيراً إلى جثة قرني) ما قدرش يأخذ قوتي عشان يقف قبالك ..

دمك خمره و رأسك كاس نبيت ... موتك بيدي .. لازم تموت ..

لازم تموت .. (ينقض عليه)

سيارتكوس :

غول .. أخطبوط .. صنف جديد بيدوس على الكل

الكورس :

(صامتون .. يتكلمون في رعب شديد آخر الحلبة .. ينتظرون)

الندابات :

(يتصاعد منهن أصوات الهامونج)

الحفار :

(يعود للحفر بشكل آلي)

غانم :

غشيم .. طول عمرك غشيم إنت و اللي زيك .. غي و قلبك مسكون

بالرعب ..

سيارتكوس :

قلي مسكون بالوطن مهموم بالناس

[illegible]

١٥٠

المشهد الأخير

الذبح

(الفتاة .. الحبيبة في جهة اليمين بجوار القلب الضخيم انجسم بلون
الدم .. في الوسط ستارة بيضاء كبيرة يقف أمامها الحفار ساكنا لا
يحقر .. في جهة اليسار توجد الرحاية و قد جلسن عليها الندابات و..
خلفهن مجموعة أعلام شعارات الموت بينما مسجي جواد حسني
مسجي على الأرض قتيلًا و حوله أفراد الكورس الذين يرتدون
نياشين فوق صدورهم و في أيديهم حفنة ألوان مختلفة)

حبيبة :

كل ما يضيق صدري هازعك عليك يا بن عمي و أخوية و حبيبي يمكن
تبرد ناري .. همسح دمعني في ديل توبي و هغني على سيرتك يا صغير
السن و قد الدنيا بما لها في عيني ..

الكورس :

- ملحقش يفرح مع العيال صحابه

- رغم صغر سنه كان جواه معني كبير

- قلب جواد حسني كان أكبر من قلب الوطن .. و الجرح نزيه

- تكتب بدمك ملحمة في كلمتين على حيطان السجن و التعذيب ..

الحفار :

دفنت ميتين قبله .. حفرت ليهم قبور .. لكن مش هقدر أفن قلب طفل

كان يحب الوطن .. التراب لا هيشرب دمه و لا الحفرة هتردم عليه ..

..جواد حسني زي غيره مطرحهم فوق في السما مش تحت الأرض مع

البشر ..

حبيبته : زادنا و زوادنا غنوتك الى لسه ما خلصتتش .. دم الحمام غنوة .. قلب الحمام له جناحات بيرفرف بعيد و يطلع لفوق .. في السما .. كان قلبك طاهر زي الندى يا أطيّب ما خلق ربنا و أرق من الريح الخفيف ..
(غناء يشبه التعديد)

الندابات :

عيني عليك يا الولد ملحققتش تفرح يوم العيد
عيني عليك يا جواد قلبك حي في بور سعيد

حبيبته :

مالكم يا خلق .. ما حدش يقول عليا حزينه .. إيني و حبيبي دمه مش
همروح هدر .. لا إنجننت ولا يتهياألى دي الفرحة اللي شيفهاها حاية
قريب في ميعادها .. جواد و إخوانه راضعين مني .. لا هقدر أنسى ولا
الزمن هينكر ..

الندابات :

(غناء يشبه التعديد)

كل عيال الدنيا ديه

تشبهك يا ولدي

بتقدم قلوبها هدية

غالية عليا يا بلدي

بلدي يا بلدي

الموت بيخطف ولدي

بلدي يا بلدي

الموت بيخطف ولدي

(يكررن ثم يختفي الصوت تدريجياً)

حبيبه : (تذهب ناحية الجنة) صدقي يا بن عمي و أخويه و حبيبي .. مفرطتش
و لا خنت .. فاردته ضهري و حبيبي عالي و لسه باقية على العهد ..
فاكر يا عالي يا صاحب المطرح مهما طال الزمن ما هيقدر يقهرني ولا
يكسر عودي ..

الكورس : - سر الولد جواه إنه ما يعرفش يموت مهزوم
- سر الولد جوانا و دمه مش هيروح هدر أبداً
- سر الولد جواه و عارف نفسه هيموت شهيد
- دم الشهيد باقي وروحه في السما عند اللي خلقه
- دم الشهيد طاهر عشان قلبه هيفضل حي ..

(أفراد الكورس يحملون الجنة و يطوفون بها .. يتصاعد الأداء تدريجياً)
حبيبه : طلقالك صوتي و فاكره دمك .. ملعون اللي يقول عليا حزينه .. أنا
واعية لروحي صدقوني يا خلق صدقوني يا ناس و هاغني على سيرتك يا
جواد إنت و اللي زيك .. يا صغير السن لكن قد الدنيا بحالها في عين
كل أم صدقوني يا خلق ..

الكورس : (يذهبون ناحية القلب الضمخم المجسم و يتولون الجنة)
الحفار : صدقوها يا خلق صدقوها يا ناس .. روحه لسه معانا هنعني على سيرته
نشيد بكل لسان الكل هعلق الرايات بنفسي و النيون و الكهارب عشان
فرحة العيال بالنهار و المطر يغسل كل القلوب الحزينه ... الكوريك في

المحتويات

المشهد الأول	البخارة
المشهد الثاني	الولادة
المشهد الثالث	العهد
المشهد الرابع	القضية
المشهد الخامس	المروجة
المشهد السادس	المجن
المشهد السابع	النزال
المشهد الأخير	البعش

رقم الإيداع بدار الكتب المصرية

٢٠٠٥ / ٢٠١١٨

